



資治通鑑考異卷第一

端明殿學士兼翰林侍讀學士中大夫提舉西京嵩山崇福宮上柱國河內郡開國公食邑二千

六百食實封二千戶臣司馬光奉勅編集

周紀

安王二十五年魯穆公薨子共公奮立

司馬遷史記六國表周威

烈王十九年甲戌魯穆公元年烈王元年丙午共公

元年顯王十七年巳巳康公元年二十六年戊寅景

公元年報王元年丁未平公元年二十年丙寅文公

秦莊襄王元年壬子楚滅魯按魯世家穆公三十三年

卒若元甲戌終乙巳則是三十二年也共公二十二年卒景公二十五年卒平公二十二年卒若元丁未

終乙丑則是十九年也文公二十三年卒頃公二十

四年楚滅魯班固漢書律歷志文公作緡公其在位

之年與世家異者惟平公二十年耳本志自魯僖公五年正月辛亥朔旦冬至推之至成公十二年正月庚寅朔旦冬至定公七年正月己巳朔旦冬至四年正月戊申朔旦冬至至康公四年正月丁亥朔旦冬至至繆公二十二年正月丙寅朔旦冬至至武公元朔旦冬至至漢高祖八年十一月乙巳朔旦冬至至武帝元朔六年十一月甲申朔旦冬至至元帝初元二年十一月癸亥朔旦冬至其間相距皆七十六年此最為得實又與魯世家注皇甫謚所紀歲次皆合今從之六國表差謬難可盡據也

顯王七年燕桓公薨子文公立史記蘇秦傳謂之燕文侯按春秋時北燕

簡公已稱公文公之子易王尋稱王豈文公獨稱侯乎今從世家

三十六年蘇秦約六國從史記蘇秦傳秦兵不敢闕函谷關十五年又云其後

秦使犀首欺齊魏與共伐趙蘇秦去趙而從約皆解齊魏伐趙敗從約止在明年耳其自相違戾如此秦本紀惠文王七年公子卬與魏戰虜其將龍賈後二年事耳烏在其不闕函谷十五年乎此出於遊談之

士誇大蘇秦而云爾今不取

慎靚王二年魏惠王薨子襄王立史記魏世家云惠王三十六年卒子襄王立襄王十六年卒子哀王立哀王二十三年卒子昭王立六國表惠王元辛亥終丙戌襄王元丁亥終壬寅哀王元癸卯終乙丑按杜預春秋後序云太

康初汲縣有發舊冢者大得古書其紀年篇起自夏殷周皆三代王事無諸國別也惟特記晉國起自殤

叔次文侯昭侯以至曲沃莊伯皆用夏正編年相次

晉國滅獨記魏事下至魏哀王之二十年蓋魏國之

史記也哀王於史記襄王之二十二年孫也古書紀

年篇惠王三十六年改元從一年始至十六年而稱

惠成王卒即惠王也疑史記誤分惠成之世以為後

王年也哀王二十三年乃卒故特不稱謚謂之今王

裴駟魏世家注引和嶠云紀年起自黃帝終於魏之

今王今王者魏惠成王子按太史公書惠成王但言卒襄王立十六年卒并惠襄為五十二年今按古文惠成王立三十六年改元稱一年改元後十七年卒

太史公書為誤分惠成之世以為二王之年數也世本惠王生襄王而無哀王然則今王者魏襄王也彼既魏史所書魏事必得其真今從之

赧王五十七年魏新垣衍說趙欲帝秦魯仲連折之

史記魯仲連傳云新垣衍謝請出不敢復言帝秦秦將聞之為却軍五十里按仲連所言不過論帝秦之利害耳使新垣衍慙作而去則有之秦將何預而退軍五十里乎此亦遊談者之誇大也今不取

漢紀上

太祖元年十月沛公至霸上

史記漢書荀悅漢紀皆云是月五星聚東井按

魏收後魏書高心傳崔浩集諸術士考校漢元以來日月薄蝕五星行度并幾前史之失別為魏歷以示允允曰善言遠者必先驗於近且漢元年冬十月五星聚於東井此乃歷術之淺事今譏漢史而不覺此謬恐後之譏今猶今之譏古浩曰所謬云何允曰按星傳金水二星常附日而行冬十月日旦在尾箕昏

沒於申南而東井方出於寅北二星何因背日而行是史官欲神其事不復推之於理浩曰欲為變者何所不可君獨不疑三星之聚而怪二星之來允曰此不可以空言爭宜更審之時坐者咸怪東宮少傅游雅曰高君長於曆當不虛言也後歲餘浩謂允曰先所論者本不經心及更考究果如君語以前三月聚於東井非十日也今從之十月不言五星聚

三年酈生勸漢主據敖倉又請說齊王史記漢書皆以食其勸取

敖倉及請說齊合為一事獨劉向新序分為二臣謂分為二者是

五年九月壬子立盧縮為燕王史記漢書高紀於此皆云使丞相噲將兵

平代地按樊噲傳從平韓王信乃遷左丞相是時未為丞相又代地無反者噲傳亦無此事疑紀誤

十年五月太上皇崩七月癸卯葬漢書五月太上皇

上皇崩葬萬年荀紀五月無后字七月無崩字蓋荀悅之時漢書本尚未訛謬故也今從之

徙周昌為趙相以趙堯為御史大夫史記漢書張良傳皆云十二年

上擊黥布還愈欲易太子按百官表十年趙堯為御史大夫則是時太子位已定今從之

十一年二月丙午立皇子恢為梁王漢書諸侯王表作三月丙午按

劉義叟長曆三月丙辰朔無丙午今從史記年表

七月立皇子長為淮南王史記諸侯年表云十二月庚子厲王長元年漢書諸

侯王表十月庚午立今從漢書帝紀

上欲使太子擊黥布太子客使呂釋之夜見呂后史記

漢書皆云呂澤夜見呂后按恩澤侯表有周呂侯澤建成侯釋之今此上云建成侯而下云呂澤恐誤當

為釋之是又留侯世家上欲廢太子立戚夫人子趙王如意大臣多諫爭未能得堅決者也呂后恐不知

所為人或謂呂后曰留侯善畫計策上信用之呂后乃使建成侯呂澤劫留侯曰君常為上謀臣今上易

太子君安得高枕而卧乎留侯曰始上數在困急之中幸用臣策今天下安定以愛欲易太子骨肉之間

雖臣等百餘人何益呂澤強要曰為我畫計留侯曰此難以口舌爭也願上有不能致者天下有四人四

人者年老矣皆以為上慢侮人故逃匿山中義不為漢臣然上高此四人今公誠能無愛金玉璧帛令太

子為書卑辭安車因使辯士固請宜來來以為客時時從入朝令上見之則必異而問之問之上知此四

人賢則一助也於是呂后令呂澤使人奉太子書卑辭厚禮迎此四人四人至客建成侯所上欲使太子

擊黥布四人相謂曰凡來者將以存太子太子將兵事危矣乃說建成侯云云上遂自行上破布歸置酒

太子侍四人從太子年皆八十有餘鬚眉皓白衣冠甚偉上怪問之曰彼何為者四人前對各言名姓曰

東園公用里先生綺里季夏黃公上乃大驚曰吾求公數歲公辟逃我今公何自從吾兒游乎四人皆曰

陛下輕士善罵臣等義不受辱故恐而亡匿竊聞太子為人仁孝恭敬愛士天下莫不延頸欲為太子死

者故臣等來耳上曰煩公幸卒調護太子四人為壽已畢起去上目送之召戚夫人指示四人者曰我欲

通鑑卷一百一十五

通鑑卷一百一十五

通鑑卷一百一十五

易之彼四人輔之羽翼已成難動矣呂氏真而主矣
戚夫人泣上曰為我楚舞吾為若楚歌歌曰烏鵲高
飛一舉千里羽翮已就橫絕四海橫絕四海當可柰
何雖有矰繳尚安所施歌數闕戚夫人嗟唏流涕上
起去罷酒竟不易太子者留侯本招此四人之力也
按高祖置猛伉厲非畏措紳譏議者也但以大臣皆
不肯從恐身後趙王不能獨立故不為耳若決意欲
廢太子立如意不顧義理以留侯之久故親信猶云
非口舌所能爭豈山林四叟片言遽能祝其事哉借
使四叟實能祝其事不過汚高祖數寸之刃耳河至
悲歌云羽翮已成矰繳安施乎若四叟實能制高祖
使不敢廢太子是留侯為子立黨以制其父也留侯
豈為此哉此特辯士欲夸大四叟之專故云然亦猶
蘇秦約六國從秦兵不敢闕函谷關十五年魯仲連
折新垣衍秦將聞之却軍五十里耳凡此之類
皆非事實司馬遷好事多愛而采之今皆不取
十二年十一月陳豨反漢擊斬豨盧縮傳云漢使樊
者居勃
非噲也

四月甲辰帝崩于長樂宮

漢書云呂后與審食其謀
誅諸將酈商見審食其
誅以如此大臣內畔諸將外反亡可躋足待也審食
其入言之乃以丁未發喪按呂后雖暴戾亦安敢一
旦盡誅大臣又時陳平不在榮
樊噲不在代此說恐妄今不取

惠帝三年季布曰前匈奴圍高帝於平城季布傳云
前陳豨反

於代時匈奴圍高帝於平城按平
城之圍乃韓王信反非豨反也

高后元年大謁者張釋史記文帝本紀及惠景間侯
者表漢書匈奴傳皆作澤史

記呂后本紀八年中大謁者張釋顏師古注曰荆燕吳傳
澤侯表及周勃傳皆云張釋顏師古注曰荆燕吳傳
云張釋今從史記呂后本
紀漢書恩澤侯表馬勃傳

酈侯台漢書外戚侯表及高五王傳皆作
酈侯今從史記本紀功臣侯表

二年十一月呂肅王台薨史記本紀高后元年立孝
惠子不疑為恆山王呂台

為呂王二年恒山王薨十一月呂王台薨年表二人皆以元年薨漢書本紀元年立不疑呂台產祿通為王二年不疑薨年表元年不疑及呂台為王二年皆薨蓋史記年表薨字應在二年誤書於元年耳其實二人皆以二年薨漢書本紀云產祿通為王亦誤也

五月封楚元王子郢客齊悼惠子章皆為侯史記高元年今從漢書王子侯表

六年夏張敖卒史記呂后本紀敖卒在明年六月按臣表敖以高祖九年封十七年薨蓋本紀之誤

七年七月封劉澤為琅邪王史記世家漢書列傳皆大臣立呂產為呂王然後說令王澤按太后自以呂王嘉驕恣廢之以產代為呂王產非始封於呂又諸呂之王已久何必待田生之謀以此不取

八年四月封張侈為新都侯壽為樂昌侯史記惠景新都作信都壽作受今從本紀

七月審食其為帝太傅史記將相表八年七月辛巳丞相後九月免漢書公卿表七年七月辛巳食其為太傅八年九月復為丞相後九月免以長曆推之八年一月無辛巳九月無丙戌閏月群臣代邸上議無食其名二表皆誤今從史記本紀免相在此月本紀又云八月壬戌食其復為左丞相亦誤

八月齊王使祝午詐奪琅邪王澤兵史記澤世家漢與齊于合謀皆誤今從史記呂后本紀齊王世家漢書呂后紀齊王傳

九月庚申旦史記本紀八月庚申旦上有八月丙午推之下八月當為九月

景帝三年周亞夫至洛陽喜曰榮陽以東無足憂者

史記漢書皆云太尉得劇孟喜加得一敵國曰吳楚無足憂者按孟一游俠之士耳亞夫得之何足為輕重蓋其徒欲為孟重名妄撰此言不足信也

中二年殺郅都史記本紀後二年正月郅將軍擊匈奴

乃召審成為中尉成為中尉在六年則後二年所謂郅將軍者非都也疑別一人漢書紀無郅將軍事

世宗建元元年十月策賢良以董仲舒為江都相莊

助為中大夫漢書武紀元光元年五月詔舉賢良董仲舒公孫弘出焉仲舒傳曰仲舒對策

推明孔氏抑黜百家立學校之官州郡舉茂才孝廉皆自仲舒發之今舉孝廉在元光元年十一月若對策在下五月則不得云自仲舒發之蓋武紀誤也然

仲舒對策不知果在何時元光元年以前唯今年舉賢良見於紀三年閩越東甌相攻莊助已為中大夫故皆著之於此仲舒傳又云遼東高廟長陵高園災

仲舒推說其意主父偃竊其書奏之仲舒出是得罪按二災在建元六年主父偃傳上書召見在元光元年蓋仲舒追述二災而作書或作書不上而偃後來方見其草藁也

二年石慶為太僕御出按百官公卿表慶不為太僕蓋嘗攝職也

三年閩越圍東甌天子問田蚡史記東越漢書嚴助傳皆云建元三年閩越圍東甌天子問太尉田蚡按是時蚡不為太尉云太尉誤也下云太尉不足與計蓋追呼其官或亦誤耳

上招選天下之士得朱買臣等令與大臣論辯東方

朔諫起上林苑司馬相如諫獵此多非今年事因莊助救東甌及微行始

出終言之

元光二年王恢議誘擊匈奴史記韓長孺傳元光元年

年聶壹畫馬邑事而莫

二

二

二

二

二

二

書武紀在二年蓋元年壹始言之二年議乃決也

三年春河水徙從頓丘東南流漢書武紀云東南流入勃海按頓丘屬東

郡勃海乃在頓丘東北恐誤今不取

五月丙子復決瓠子注漢書武紀曰瓠子隄名在東郡白馬蘇林曰在野

城以南濮陽以北將相名臣表曰五月丙子河決瓠

了然則瓠子即濮陽縣境隄名也

四年十二月晦殺竇嬰班固漢武故事曰上召大臣

復窮問兩罷之田蚡大恨欲自殺先與太后訣兄弟

共號哭訴太后太后亦哭弗食上不得已遂乃殺嬰

按漢武故事語多誕妄非班固書蓋後人為之託固名耳

三月乙卯丞相蚡薨武安侯傳云元光四年春丞相

按灌夫事其夏取夫人五年十

月論灌夫及家屬十二月晦魏其棄市徐廣引武

本紀侯表以為蚡薨在嬰死後分明四年當是三年

五年當是四年今從之廣又疑十二月為二月按漢

制常以立春下寬大詔書蚡恐魏其得釋故以十二

月晦殺之何必改為二月也

五年公孫弘對策一歲中至左內史漢書武紀云元

策賢良於是董仲舒公孫弘等出焉按弘傳元光五

年復徵賢良文學菑川國推上弘其策文與武紀元

五年策文頗相類又云一歲中至左內史百官表元光

年明弘為左內史然則弘之再舉賢良不在元光元

西京雜記亦云弘於此年徵吏民明當世之務下葛洪

良若此續食之詔在八月則弘不容於今年已為左

內史蓋此詔在今年不知何月故班氏繫之於年未

耳其策文相類蓋出偶然或者此策乃弘先舉賢良

時所對班氏誤以為此年之策疑未能明今從漢紀

董偃見上漢武故事曰陳皇后廢處長門宮竇太主

以宿恩猶自親近後置酒主家主見所幸

董偃按東方朔傳爰叔為偃畫計今主獻長門園更名曰長門宮則偃見上在陳后廢前明矣

元朔元年二月皇子據生漢書武帝五子傳贊曰建元六年春戾太子生外戚傳

衛皇后元朔元年生男據按枚臯傳云武帝春秋二十九乃有皇子與外戚傳合蓋贊語因蚩尤之旗致此誤亦猶五星聚在秦二世末年誤為漢元年也

秋韓安國病死安國死在明年於此終言之

東夷歲君南閭等降為蒼海郡史記平準書曰彭吳郡按滅朝鮮置蒼海兩事

也不知何者出賈之謀

主父偃嚴安徐樂上書漢書主父偃傳云元光元年夷朝夜郎降羌熒略葳州此等事皆在元光元年後蓋誤以朔字為光字耳

二年冬賜淮南王几杖毋朝漢書武紀曰賜淮南王几杖毋朝顏師

古曰淮南王安菑川王志皆武帝諸父列也故賜几杖按諸侯表菑川王志在位三十五年以元光五年薨齊悼惠王世家高五王傳皆同此云菑川王志誤也

夏徙豪傑于茂陵族郭解荀紀以郭解事著於建元二年按武紀建元二年初置茂陵邑二年賜徙茂陵者錢當是時衛青公孫弘皆未貴又元朔二年徙郡國豪傑于茂陵此乃徙解之時也

三年張騫自匈奴逃歸史記西南夷傳曰元狩元年張騫使大夏來言通身毒國

之利按年表騫以元朔六年三月甲辰封博望侯必非元狩元年始歸也或者元狩元年天子始令騫通身毒國疑不能明故因是歲伊穉斜立終言少

五年封丞相弘為平津侯史記將相名臣表漢書公卿百官表弘為相皆在今

年建元以來侯者表恩澤侯表皆云元朔三年封侯按三年弘始為御史大夫蓋誤書五為三因置於三

通鑑卷一百一十一

通鑑卷一百一十一

通鑑卷一百一十一

通鑑卷一百一十一

通鑑卷一百一十一

通鑑卷一百一十一

通鑑卷一百一十一

通鑑卷一百一十一

耳年

元狩二年三月戊寅丞相弘薨壬辰以李蔡為丞相

張湯為御史大夫漢書百官公卿表元狩二年三月

有罪自殺史記將相名臣表元狩二年御史大夫六年

按李蔡既遷湯即應補其缺豈可留之暮年復與李

蔡為丞相日月正同乎又按長曆三年三月無壬

辰又以得罪之年推之在今年明矣今從史記表

渾邪王降發車二萬乘迎之漢書食貨志云三萬兩

傳今從史記平準書汲黯

三年得神馬於渥洼水中次以為歌汲黯進言上不

說史記樂書武帝作十九章歌常以正月上辛祠太

一甘泉使僮男僮女七十人俱歌又嘗得神馬渥

洼水中復次以為太一之歌後伐大宛得千里馬次

以為歌中尉汲黯進曰陛下得馬詩以為歌云云丞

相公孫弘曰黯誹謗聖制當族漢書禮樂志武帝定

郊祀之禮祠太一於甘泉祭后土於汾陰乃立樂府

作十九章之歌以正月上辛用事甘泉園丘按天馬

歌本志云元狩三年馬生渥洼水中作武紀云元鼎

四年秋馬生渥洼水中五年十一月立泰畤於甘泉

太初四年春師獲汗血馬作西極天馬之歌公孫弘

以元狩二年薨汲黯以元狩三年免右內史五年為

淮陽太守元鼎五年卒又黯未嘗為中尉或者馬生

渥洼水作歌在元狩三年汲黯為右內史而譏之言

其十九章之歌當
時未能盡備也

四年少翁以方夜致鬼如王夫人之貌漢書以此事

置李夫人傳

中古今相承皆以為李夫人事史記封禪書少翁見

上上有所幸王夫人卒少翁以方夜致王夫人及竈

鬼之貌云按李夫人平時少翁

死已久漢書誤也今從史記

五年三月初行五銖錢

漢書食貨志前以銷半兩錢
鑄三銖錢明年以三銖錢輕

更鑄五銖錢武帝元狩五年乃
云罷半兩錢行五銖錢誤也

六年冬楊可告緡漢書武紀元鼎三年十一月令

義縱棄市霍去病射殺李敢史記封禪書云明年天

泉大赦莫知其為何年本紀皆無其字獨義縱傳有

之按漢書百官公卿表義縱李敢死者在今年敢傳

云從上雍至甘泉宮雍蓋衍字也平準書云自造白

金五銖錢後五歲赦按武紀元狩四年造白金元鼎

元年赦首尾四年若今年更有赦則四

年再赦與平準書不合今從百官表

顏異誅徐廣注史記平準書云異誅在元狩四年壬

令顏異二年坐腹非誅不
思有二年字致此誤也

元鼎元年漢書武紀此年云得鼎汾水上漢紀云六

云按封禪書樂大封樂通侯之歲其夏六月汾陰巫

錦為民祠魏勝后土營旁得鼎詔曰間者巡祭后土

云云武紀元鼎四年十月奉汾陰十一月立后土祠

于汾陰惟上六月得寶鼎后土祠旁禮樂志又云元

鼎五年得寶鼎恩澤侯表元鼎四年四月乙巳樂大

封侯然則得鼎應在四年蓋武紀因今年改元而誤

增此得鼎一事耳非兩曾得鼎於汾水上也封禪書

天子封太山反至甘泉有司言寶鼎出為元鼎以今

年為元封元年然則元鼎年號亦

如建元元光皆後來追改之耳

丁義

四年樂成侯丁義薦樂大漢書郊祀志作樂成侯登

樂大鬪旗封禪書郊祀志皆作棊獨史記孝武紀作

收大令於自相擊繙繙竟庭中去地十

餘丈觀者皆駭然則作旗字者是也

五年三月封樛廣德為龍亢侯漢書功臣表作龍侯

日龔古龍字史記建元以來侯者

表及南越傳皆作龍亢侯今從之

六年越郎都稽得呂嘉史記漢書表皆云都稽今從傳封樓船蘇弘都稽趙光等皆為侯凡此等封侯者年表皆有月日為其先後難齊故盡附於立功之處後放此

分武威酒泉置張掖敦煌郡漢書武紀元狩二年渾邪王降以其地為武威

酒泉郡元鼎六年分置張掖敦煌郡而地理志云張掖酒泉郡太初元年開武威郡太初四年開敦煌郡後元元年分酒泉置今從武紀

元封元年冬釋兵須如漢書作涼如今從史記

上問黃帝冢公孫卿對史記漢書皆云或對漢武故事云公孫卿對今取之

正月幸緱氏封禪書郊祀志作三月漢書武紀及荀紀皆作正月今從之

四月乙卯封泰山下東方武紀癸卯自海上還登封泰山蓋癸卯自海上還乙卯至

泰山行

二年公孫遂往正之史記作征之蓋字誤今從漢書

天子誅遂漢書作許遂按左將軍亦以爭功相嫉乖計棄市則武帝必以遂執樓船為非漢書

作許蓋字誤今從史記

相韓陰漢書陰作陶今從史記

三年七月膠西于王端薨荀紀端皆作瑞今從漢書

五年四月衛青薨漢武故事云大將軍四子皆不才皇后每因太子涕泣請上削其封

上曰吾自知之不令皇后憂也少子竟坐奢淫誅上遣謝后通削諸子封爵各留千戶焉按青四子無坐奢淫誅者此說妄也

天漢元年衛律使匈奴還聞李延年家收亡降匈奴

延年傳云誅延年兄弟宗族按是後李廣利尚為將帥蓋止誅延年及弟季妻子耳

七月閉城門大搜臣瓚注武帝紀曰漢帝年記六月不必閉城門大搜蓋搜姦人耳禁踰侈七月大搜則搜索踰侈者

四年正月遣李廣利等擊匈奴史記匈奴傳云廣利於此降匈奴誤

四月立皇子臯為昌邑王表云六月乙丑立今從武紀

征和二年七月壺關三老茂上書天子感悟漢武故

隨太子反者外連郡國數十萬人壺關三老鄭茂上書上感寤赦反者拜鄭茂為宣慈校尉持節徇三輔赦太子太子欲出疑弗實吏捕太子急太子自殺按上若赦太子當詔吏勿捕此說恐妄也

四年八月辛酉晦日有食之荀紀作七月漢書作八月按長曆是年九月壬戌朔言八月是也

月是也

後元元年六月商丘成坐祝詛自殺功臣表云坐為詹事祠孝文廟

醉歌堂下日出居安能鬱鬱人不敬自殺公卿表云坐祝詛按成不為詹事功臣表誤也

昭帝始元四年以上官安為車騎將軍昭紀作驃騎今從百官表

外戚傳

五年成方遂自謂衛太子昭紀云張延年雋不疑傳云成方遂又云一姓張名

延年今從不疑傳

元鳳四年樓蘭王安歸西域傳作常歸今從昭紀及傳介子傳

元平元年昌邑王嘗見大白犬頸以下似人冠方山

冠而無尾昌邑王傳云無頭五行志云無尾且云不得置後之象若頸以下以人而無頭何以

辨其為犬且安所施冠蓋傳誤也

中宗本始二年遣五將軍及烏孫擊匈奴獲四萬級

馬牛羊驢橐駝七十餘萬頭常惠傳四萬級為三萬九千人七十餘萬頭為

六十餘萬頭今從烏孫傳

六月己丑蔡義薨荀紀作乙丑誤

地節二年四月戊申以張安世為大司馬車騎將軍

百官表地節三年四月戊申張安世為大司馬七月戊戌更為衛將軍霍禹為大司馬七月士辰禹要斬

荀紀三年四月戊辰安世為大司馬按明年四月無

戊辰七月無戊戌又不當再言七月以宣紀張安世

霍光傳考之安世為司馬當在今年為衛將軍當在

明年十月禹死在四年七月蓋年表旁行通連書之

致此誤也

三年四月戊申立子奭為皇太子荀紀立皇太子在去年四月戊申漢

書舊本亦然顏師古據疏廣及邴吉傳並云地節三年立皇太子知在此年者是也

鄭吉與司馬熹擊車師西域傳云地節二年以匈奴傳校之知在三年

元康元年冬趙廣漢坐要斬本紀元康二年冬廣漢有罪要斬百官表本始

三年廣漢為京兆尹六年要斬元康元年守京兆尹

彭城太守遺按廣漢傳司直蕭望之劾奏廣漢摧辱

大臣望之自司直為平原太守元康元年自平原太

守為少府然則廣漢死當在元康元年本紀誤也廣

漢傳又云地節三年七月丞相嫫自絞

死蓋婢死已數年而廣漢追發其事也

三年三月封故昌邑王賀為海昏侯王子侯表賀以四月壬子封宣

紀賀封在丙吉之前按是歲四月癸亥朔無壬子表誤

通鑑卷一百一

三

皇帝功臣絳侯周勃等百三十六人家子孫四年又賜功臣適後黃金人二十斤按功臣表詔復家者皆

宣紀元康元年五月復高

云元康四年其數非一
不容盡誤蓋紀誤耳

神爵二年五月趙充國奏罷屯兵秋羌斬先零猶非

楊玉首降宣紀五月羌斬猶非楊玉降充國傳五月

置都護自鄭吉始百官表曰西城都護加官地節二

域傳又云神爵三年亦誤

大鴻臚蕭望之議不可許烏孫結昏烏孫傳請昏在元康二年望之

傳云神爵二年按元康二年望之未為鴻臚蓋誤以神爵為元康也

三年八月詔益吏百石已下俸十五宣紀云益吏百

韋昭曰若食一斛則益五十石首紀云益吏百石以下俸五十斛蓋以十五難曉故改之然詔云以下恐難

指五十斛也

四年五月匈奴單于遣弟呼留若王勝之來朝匈奴傳

衍胸擬單于立復修和親遣弟伊曹若王勝之入漢獻見蓋即謂此也

五鳳元年春皇太子冠按宣紀太子冠在此年而荀

事已云皇太子冠至是又重復言之蓋誤也

二年正月幸甘泉郊泰時宣紀云三月行幸甘泉荀

月郊祀蓋荀悅作紀之時本猶未誤也又楊惲傳曰行必不至河東矣蓋時亦幸河東祠后土史脫之也

十一月匈奴烏厲屈與父呼邀累烏厲温敦降封烏

厲屈為新城侯烏厲温敦為義陽侯宣紀匈奴呼邀

降功臣表信城侯王定以匈奴烏桓屠蔞單于于左

大將軍率眾降侯義陽侯厲温敦以匈奴諱連累單于率眾降侯此即屈與敦也未嘗為單于或降時自稱單于或紀表二者誤也

楊惲戴長樂皆免為庶人

宣紀十二月楊惲坐前為

悔過怨望大逆不道要斬荀紀因而用之惲傳惲與

孫會宗書曰臣之得罪已三年矣又因日食之變騶

馬猥优成上書告惲罪下獄死又楊譚稱杜延年為

御史大夫按百官表惲以神爵元年為光祿勳五年

免戴長樂亦以其年為太僕五年免杜延年以五鳳

三年六月辛酉為御史大夫又按蕭望之傳使光祿

勳惲策免望之其事在今年八月惲猶為光祿勳至

四年四月乃有日蝕之變蓋惲以今年十二月免為

庶人至四年乃死宣紀誤也

三年六月辛酉杜延年為御史大夫

荀紀作辛巳百官表作辛酉按

長曆此月丙午朔無辛巳

四年匈奴單于遣弟谷蠡王入侍

按匈奴傳呼韓邪稱臣即遣鉢婁渠

堂入侍事在明年時匈奴有

三單于不知此單于為誰也

甘露元年張敞免為庶人數月拜冀州刺史

荀紀於五鳳二年因楊惲事并致此誤也百官表敞以神爵

元年為京兆尹八年免敞傳云為京兆九歲免

二年春正月立皇子嬰為定陶王

諸侯王表云十月乙亥立今據宣紀

四年夏廣川王海陽諸侯王表作汝陽宣紀景

元帝初元二年二月丁巳立弟竟為清河王

荀紀竟作寬今

從漢書

戊午隴西地震敗城郭屋室壓殺人衆

劉向傳云三月地震今

紀從元

四月詔賜蕭望之爵關內侯

元紀此詔在今冬按劉向傳云前弘恭奏望之

等獄決三月地大震然則望之等黜免在今春地震

前也又曰夏客星見昂卷舌間上感悟下詔賜望之

爵關內侯望之傳曰後數月賜望之爵關內侯

蓋紀見望之死在十二月因置此詔於彼上耳

七月巳酉地復震劉向傳曰冬地復震元紀此月詔曰一年中地再動漢紀在七月巳

五年六月匈奴支單于殺谷吉陳湯傳初元四年支求侍子元帝

紀五年谷吉使匈奴不還湯傳又云御史大夫貢禹

議吉不可遣按禹今年六月始為御史大夫或者支

支以四年求侍子而吉以五年使匈奴也

永光元年九月于定國史高薛廣德皆罷韋玄成為

御史大夫百官表七月癸未大司馬高免辛亥韋玄

荀紀七月巳未高免薛廣德傳酌祭後月餘以歲惡

民流乞骸骨罷廣德為御史大夫凡十月免月日參

差未知孰是故皆沒不書

賈捐之謂楊興曰使我得見言君蘭荀紀作君簡今從漢書

建昭二年六月立皇子興為信都王荀紀興作舉今從漢書

京房言於上曰陛下視今為治邪亂邪所任者誰與

故資政殿學士邵亢得兩浙錢王寫本漢書無亂邪

二字有上曰亦極亂耳尚何道房曰今十二字今取

京房棄市元紀及荀紀京房死皆在此年末按房傳

月癸亥匡衡為御史大夫房死必不在

歲末也紀不知月日故繫之歲末耳

成帝河平元年匈奴單于遣右臯林王伊邪莫演等

朝正月匈奴傳河平元年單于遣莫演朝正月下云

據此則是莫演以元年至漢朝二年正月也而荀紀

繫於元年正月之下恐誤漢紀又以莫演為黃渾今

從漢書

二年夜郎與鉤町相攻陳立討誅之西南夷傳但云河平中而胡旦

漢春秋云在此年十一月未知何據也

鴻嘉三年上微行過陽阿主家五行志作河陽主伶玄趙后外傳及荀紀

亦作河陽外戚傳顏師古注曰陽阿平原之縣也今俗書阿字作河又或為河陽皆後人所妄改耳今從之

永始元年春正月癸丑太官凌室火戊午戾后園南

闕火五行志及荀紀二火皆作災今從漢書

劉輔上書曰腐木不可以為柱人婢不可以為主劉輔

傳云腐木不可以為柱卑人不可以為主荀紀柱作珪卑人作人婢今柱從漢書人婢從荀紀

七月癸卯封蕭何六世孫喜為鄼侯成紀元延元年封蕭相國後喜

為鄼侯荀胡皆用之坡力臣表永始元年釐侯喜紹封三年薨永始四年質侯喜嗣五年薨綏和元年質侯章嗣蓋本紀誤以永始為元延故也

立城陽哀王弟俚為王漢紀俚作悝今從漢書

九月丁巳晦日有食之荀紀作乙巳按長曆丁巳晦荀悅誤

二年上諸舅風丞相御史免張放敘傳云王音以風丞相宣御史大夫方進奏放過惡音以正月乙巳薨

方進以三月丁酉為御史大夫然則風丞相御史者疑非音也放傳又云上諸舅皆害其寵故但云上諸舅

十一月己丑丞相宣免御史大夫方進貶壬子方進

為丞相方進傳薛宣免方進亦左遷執金吾二十餘日遂擢為丞相而荀紀云秋八月方進貶為

執金吾蓋以公卿表云三月丁酉京兆尹翟方進為御史大夫八月貶為執金吾故致此誤也按公卿表所云者謂方進自二月為御史大夫至十一月而貶凡居官八月耳又黑龍見東萊在去年九月谷永傳著之甚明而荀悅亦載之於此年云冬黑龍見東萊蓋因陳湯獲罪在今年故也漢春秋雖正黑龍之誤而方進貶官猶承荀悅之失

陳湯徙邊陳咸逢信免官咸信免官皆在明年以後因陳湯事連言之

三年十一月李譚等殺樊並皆封侯本紀云五人而功臣表止有四

人蓋紀誤

元延元年劉向上書向傳云星孛東井岷山崩向懷不能已上此奏按岷山崩在三年此奏云自建始以來二十歲間而食八率二歲六月而一發則上此奏當在今年也胡旦亦載之二年

十二月乙未王商為大將軍辛亥商薨庚申王根為

大司馬荀紀云十一月成紀云十二月按是歲十一月甲子朔無乙未辛亥庚申荀悅誤

揚雄待詔雄傳云車騎將軍王音奇其文雅薦雄待詔按雄自序云上方郊祠甘泉泰畤召雄

待詔承明之庭奏甘泉賦其十二月奏羽獵賦事在今年時王音卒已久蓋王根也胡旦遂誤以為曲陽侯

二年四月立廣陵孝王子守為王荀紀守作憲今從漢書

立烏孫小昆彌安日弟末振將為小昆彌烏孫傳以末振將為

安日弟段會宗傳以為兄兄字誤耳

三年上令胡人搏禽獸成紀元延二年冬行幸長楊宮從胡客大校獵宿黃陽宮

賜從官胡旦用之按揚雄傳祀甘泉河東之歲十二月羽獵雄上校獵賦明年從至射熊館還上長揚賦

然則從胡客校獵當在今年紀因去年冬有羽獵事致此誤耳

綏和二年二月

荀紀云赦天下今本紀無之故不取

四月己卯葬孝成皇帝于延陵

成紀三月丙戌帝崩于未央宮四月己卯

葬延陵臣贊曰自崩至葬凡五十四日漢紀三月丙午帝崩四月己卯葬延陵自崩及葬三十四日按是

年三月己巳朔無丙午四月己亥朔無己卯若依成紀則當云五月乙卯葬依荀紀則當云閏三月丙午

崩二者各有差舛未知孰是按是年閏七月不當頓差四月今且從成紀之文

七月丁卯王莽罷就第

公卿表十一月丁卯大司馬莽免庚午師丹為大司馬四

月徙又曰十月癸酉丹為大司空又曰太子太傅師丹為左將軍五月遷荀紀七月丁巳大司馬莽免按

丹若以十一月為司馬四月徙官不得以十月為司空也七月丁卯朔無丁巳年表月誤荀紀日誤

九月庚申地震上問李尋

尋傳云使侍中衛尉傅喜

尉二月遷右將軍十一月罷地震在九月當是時喜已不為衛尉

資治通鑑考異卷第一

資治通鑑考異卷第二

漢紀中

哀帝建平元年正月解光奏趙昭儀殺成帝子皆在

四月丙辰赦令前

趙后傳作丙辰按哀帝紀四月丙午即位赦天下蓋傳誤也或者即

位十日然後赦

丁酉傳喜為大司馬

公卿表綏和二年十一月庚午師丹為大司馬四月徙建平元

年四月丁酉傳喜為大司馬喜傳云明年正月徙師丹為大司空而拜喜為大司馬荀紀亦在正月按長曆此年四月癸亥朔無丁酉今從喜傳漢紀

二年四月戊午朱博為御史大夫乙亥丞相孔光免

博為丞相

公卿表四月乙未孔光免朱博為丞相又日四月戊午博為御史大夫乙亥遷五行

志四月乙亥朔博為丞相荀紀乙亥孔光免按長曆是月丁巳朔無乙未十九日乙亥非朔也表志皆有誤

三年正月癸卯桂宮正殿火五行志云桂宮鴻寧殿災荀紀云桂宮正殿火

今從哀紀

四年二月癸卯封傅商為汝昌侯哀紀及恩澤侯表皆云商以今年二月

月封而孫實傳云制詔丞相大司空按建平二年已罷大司空官疑傳誤

元壽元年正月辛丑朔荀紀云辛卯朔誤

十二月王闕諫上云欲禪董賢董賢傳但云遣闕出不得復侍宴自歸郎

署以下皆漢紀所載也荀紀無漢書外事不知此語荀悅何從得之又云國歸郎署二十日長樂宮深為闕謝又御史大夫彭旦上封事言國安危繼嗣事上覺寤召闕按太皇太后居長信宮云長樂宮誤也

八月廢孝成皇后孝衣皇后為庶人是日皆自殺漢春

秋云八月甲寅未知胡旦所据

十月壬寅葬孝哀皇帝於義陵哀紀云九月壬寅葬義陵按長曆是月辛酉朔無壬寅壬寅乃十月十二日又臣瓚注曰自崩至葬凡百五日按帝以六月戊午崩然則葬在十月

審矣蓋本紀月誤也

平帝元始元年二月丙辰褒賞孔光王舜等平紀作正月事

而王子侯表公卿表皆云二月丙辰今從之

封宣帝耳孫信等三十六人為列侯平紀元始元年封孝宣曾孫信

等三十六人莽傳在五年按王子侯表皆以元年二月丙辰封莽傳誤也

四年二月丁未立皇后王氏王莽傳云四月丁未平紀云二月丁未立皇后

王氏下云夏皇后見于高廟外戚傳云明年春迎皇后於安漢公第然則言四月者誤也

冬置西海郡王莽傳置西海郡在明年秋今從平紀

五年閏五月丁酉封劉秀等為列侯恩澤侯表劉歆等十一侯皆云

封是年閏五月甲午朔無丁丑表誤師丹傳云復免高昌侯宏為庶人按功臣表建平四年董宏已

死元壽二年子武坐父為佞邪免不得至今丹傳誤也

封師丹為義陽侯恩澤侯表丹元始三年二月癸巳更為義陽侯胡旦因此并發傳太

后陵徙冷襄等事俱著之三年按外戚傳云元始五年莽發共王母及丁姬冢改葬之馬宮傳莽發傳太

后陵追誅前議者宮慙懼乃乞嚴骨公卿表宮以今

年八月壬午免然則襄等徙合浦及丹封侯皆在今

年明矣按長曆二月丙申朔無癸巳日月必有誤者

王莽始初元年莽傳作初始荀紀及韋莊美嘉號錄宋庠紀年通譜皆作始初今從之

始建國元年正月漢諸侯王皆降爵為公王子侯者

降爵為子後皆奪爵諸侯王表皆云莽篡位貶為公

免皆在今年按明年立國將軍建奏諸劉為諸侯者

以戶多少就五等之差亦不云奪爵也後漢城陽王

祉傳云劉氏侯者皆降為子後奪爵不知奪在幾年

二年匈奴號良帶曰烏賁都尉匈奴傳云烏桓都將軍西域傳云烏賁都

尉今從之

率禮侯劉嘉燕王旦傳廣陽王嘉封扶美侯莽傳云

今從莽傳

四年牂柯大尹周歆西南夷傳作周欽莽傳作周歆今從之

天鳳元年改作貨布食貨志改作貨布在天鳳元年蓋以大錢盡

之年至地皇元年乃絕不行耳非其年始作貨布也

淮陽王更始元年張卬拔劍擊地司馬彪續漢書卬

作斤皆誤今從范曄後漢書

安定大尹王向王莽傳作卒正王旬表紀作太守王向今從范書

前鍾武侯劉望王莽傳作劉聖今從范書劉玄傳

國將哀章表紀作衰章今從班固書

二年邳彤曰邯鄲成民不肯背成主而千里送公

范書邳彤傳邯鄲成民不肯背成主字皆作城表紀作邯鄲和城民不肯捐棄和城而千里送公漢春秋成邯鄲成謂邯鄲勢成也成主謂王郎為已成之主也

刁子都范書作力子都同編脩劉放曰力當作刁音彫

大司馬曰何意二郡良為吾來表紀作良牧為吾來今從景丹傳

宛人朱祐范書表紀朱祐皆作祐按東觀記祐皆作福避安帝諱許慎說文祐字無解云上諱

然則祐名當從示旁古今之古不當作左右之右也

拜寇恂河內太守表紀鄧禹初見王於鄴即言欲據河內至是又云更始武陰王李軾

據洛陽尚書謝躬據鄴各十餘萬衆王患焉將取河內以迫之謂鄧禹曰卿言吾之有河內猶高祖之有

關中關中非蕭何誰能使一方晏然高祖無西顧之憂吳漢之能卿舉之矣復為吾舉蕭何禹曰寇恂才兼文武有御衆才非恂莫可安河內也按世祖既貳更始先得河內魏郡因欲守之以比關中非本心造謀即欲指取河內

也今依范書為定

世祖建武元年六月己未即皇帝位光武本紀馮異破蘇茂諸將上

尊號光武還至薊皆在四月前而馮異傳異與李軼書云長安壞亂赤眉臨郊王侯構難大臣乖離綱紀已絕又勸光武稱尊號亦曰三王反叛更始敗亡按是年六月己未光武即位是月甲子鄧禹破王匡等於安邑王匡張卬等還奔長安乃謀以立秋獮虜時共劫更始然則三王反叛應在光武即位之後夏秋之交馮異安得於四月之前已言之也或者史家潤色其言致此差舛耳

王匡等奔還長安劉玄傳王匡張卬守河東為鄧禹所破奔還長安鄧禹傳無張卬名

張卬等說更始掠長安東歸不從謀劫更始袁紀云

等勸更始讓帝位更始不應應建等謀劫之今從范書

十月鄧禹引軍至栒邑袁紀禹曰璽書每至輒曰無

書責其不攻長安不容有此語二年十一月詔徵禹還乃曰毋與窮寇爭鋒袁紀誤也

十一月隗囂擊破馮愔袁禹傳愔叛在建武元年隗

拜官在二年也未叛延及二年囂

二年正月起高廟于洛陽帝紀正月壬子按正月

二月鮑永馮衍降鮑永傳稱永等降於河內時攻懷

不下關東畏服卿可且將故人自往城下譬之即拜

永諫議大夫至懷乃說更始河內太守於是開城而

降按光武未都洛陽以前屢幸懷又祠高祖於懷官

並無更始河內太守據懷事本紀亦無攻懷一節按

田邑書稱主亡一歲莫知定所則永行之降必在此

年而帝紀光武此年不曾幸河內但有幸脩武事然

其稱降懷等專當是史誤故皆略之

九月鄧禹斬李寶更始柱功侯李寶時為劉

三年三月朱浮遁走城降彭寵朱浮傳尚書令侯霸

寵罪徒勞軍師不能死節罪當伏誅
按霸明年乃為尚書令蓋追効之

四年七月丁亥幸譙袁紀六月幸譙今從范書

馮異破李育程焉公孫述傳使李育程烏與呂鮪旬三輔三年馮異擊鮪育於陳倉大

敗之按本紀四年馮異與述將程馬戰陳倉破之馮異傳亦在今年蓋述傳誤以四年為三年焉作鳥耳

五年正月使來歙送馬援歸隴右袁紀曰援與拒蜀侯國遊先俱奉使

遊先至長安為仇家所殺其弟為囂雲旗將軍來歙恐其怨恨與援俱還長安按囂使被殺者周遊也不

在此

三月龐萌襲破蓋延東觀記續漢書皆云萌攻延延與戰破之詔書勞延曰龐萌一

夜反畔相去不遠營壁不堅殆令人齒欲相擊而將軍有不可動之節吾甚美之延傳言僅而得免與彼

不同今從延傳

楚郡太守孫萌袁紀作楚相孫萌今從范書

十月張步大將軍費邑袁紀作濟南王費邑今從耿弇傳

六年春申屠剛自隗囂所來本傳云七年徵剛按明用詔書當

在此年

七年八月隗囂侵安定馮異拒之囂別將攻祭遵帝紀

六年冬隗囂將行巡寇扶風馮異拒破之馮異傳六年夏諸將上隴為隗囂所敗乃詔異軍柁邑未及至

異即先據柁邑破巡又云祭遵亦破王元於汧隗囂遣二將追之故得云乘勝又云馮異未及至柁邑也

然則馮異祭遵之破王元行巡實祭遵擊却之此即隗囂傳所書秋囂侵安定至陰槃馮異拒之又令別

將攻祭遵於汧兵並無利者也據此是囂兩歲各嘗

通鑑卷之六十一

攻馮異祭遵矣故遵傳亦云數控隗囂也而袁紀不載六年事併在七年秋紀之且傳云囂乘勝若事已一年安可云乘勝又馮異何緣稽緩爾久不至桐邑故知袁紀誤矣

八年十二月温序伏劍而死按序傳及袁紀皆稱序為護羌校尉檢西羌傳

九年方置此官牛邯為之又云邯卒職省則序無緣作護羌今但云校尉

十一年三月巳酉幸南陽帝紀巳酉幸南陽庚午車駕還官上有二月巳卯袁

紀三月巳酉幸南陽以長曆考之二月壬申朔巳卯八日也巳酉庚午皆在三月蓋帝紀巳酉上脫三月

字今從袁紀

十二年任延曰忠臣不和和臣不忠延傳作忠臣不私私臣不忠按

高峻小史作忠臣不和和臣不忠意思為長又與上語相應今從之

十七年二月乙未晦日有食之帝紀乙亥晦袁紀乙未據長曆三月丙申

謝帝
紀誤

十九年四月馬援擊都陽等嶠南悉平援傳作都羊帝紀作都陽

今從紀又帝紀十八年四月遣援擊交趾十九年四月

將軍討側貳等因擊都陽等降之援傳十七年拜伏皮

蓋紀之所書者援奏破側貳及傳側貳首至雒之時

也沈懷遠南越志云徵側奔入金溪穴中二年乃得之援傳近是今從之

二十一年八月伏波將軍馬援築堡塞擊烏桓劉昭注補

後漢書志亦謂之續漢志其郡國志注云中郎將馬

援誤也帝紀冬十月遣援出塞擊烏桓援傳十二月

出屯襄國明年秋將三千騎出高柳袁紀在八月祭彤事前今從之

二十二年匈奴單于蒲奴求和親遣李茂報命帝紀是歲匈奴日逐王比遣使詣漁陽請和親使茂報命按明年又有比遣使詣西河內附然則茂所報者非比也

今從南
匈奴傳

二十五年烏桓內屬帝紀今春既著烏桓來朝歲末又紀是歲烏桓朝貢內屬蓋始

獨大人來朝後乃率種族內屬耳

二十六年秋賜南單于璽綬帝紀今年春使段郴賜璽綬置使匈奴中郎將

據匈奴傳賜璽綬在秋其置中郎將亦未知決在何時或者今春置之至是更為之約束制度耳

二十七年樊宏薨索紀宏皆作密今從范書

三十年十一月賈復薨本傳在三十一年今從索紀

中元元年四月改元續漢志云以建武三十二年為建武中元元年紀年通譜云據

紀志俱出范氏而所載不同此必傳寫脫誤今官書累經校定學者失於精審但見改元復有建武二字輒以意刪去斯為謬矣梁武帝大同大通之號俱有中字是亦憲章於此今從索紀范書

顯宗永平二年十月賜桓榮爵關內侯帝紀載詔文上言李躬而

下獨封榮似脫躬字榮傳索紀詔獨言桓榮不及李躬今闕疑

十四年春周澤行司徒事復為太常澤傳云十二年按十二年不闕

司徒當是虞延免後邢穆未至

間澤行司徒事爾故云數月

寒朗范書作寒陸龜蒙離合詩云初寒朗詠徘徊立索紀作寒按今有寒姓音併與索紀合今從之

十六年吳棠下獄免索紀棠皆作常今從范書

十七年正月謁原陵降甘露於陵樹帝紀云甘露降謁原陵甘露降於樹然則實降原陵也帝紀誤以原為甘

班超立疏勒故王兄子忠為王索紀云求索故王近屬得兄榆勒立之更

名忠續漢書云求得故王兄子榆勒立之更名忠今從超傳

陳睦為西域都護

袁紀睦作穆今從范書

柳中城

袁紀作折中今從范書

十八年酒泉太守段彭

耿恭傳云秦彭今從帝紀

肅宗建初三年春馬防大破羌於布橋

帝紀防破羌在四月蓋春

破而京師四月始聞也今從防傳

四年四月癸卯封馬廖等為侯

皇后紀稱廖等並辭讓願就關內侯太后

聞之云云廖等不得已受封爵按太后之辭皆不欲封廖等之意而史家文勢反似太后欲令廖等受封

今輒移廖等辭讓於太后語下使文勢有序讀者易解

七年十二月東平獻王

范書作憲今從袁紀

元和元年褒寵毛義鄭均

義傳云建初中今從均傳

二年太初曆失天益遠作四分歷

按王莽初已廢太初用二統歷今云

太初曆失天益遠蓋光武中興廢莽歷復用太初也續漢志又云自太初元年始用三統歷按三統歷劉

歆所造云太初元年始用誤也

三年四月鄭弘上書言竇憲

袁紀云弘為尚書僕射烏孫王遣子入侍上問

弘當答其使不弘對曰烏孫前為大單于所攻陛下使小單于往救之尚未賞今如答之小單于不當怨

乎上以弘議問侍中竇憲對曰禮有往來弘章句諸生不達國禮上遂答烏孫小單于忿恚攻金城郡殺

太守任昌上謂弘曰朕前不從君議果如此弘對曰竇憲姦臣也有少正卯之行未被兩觀之誅陛下前

何為用其議按肅宗時無小單于寇金城事今不取

章和二年正月何敞奏記宋由

敞傳此事在肅宗崩後云竇氏專政外戚

奢侈賞賜過制敞奏記云云袁紀在元和三年按敞記云明公視事出入再替又言臘賜知在此時

七月南單于請伐北虜素紀章和元年十月南單于上書求出兵破北成南宗意
諫不聽師未出而帝寢疾范書南匈奴傳事並在此
也今年七月按單于書云孝章皇帝聖恩遠慮則范書是
從之

都鄉侯暢素紀作郁鄉今從范書

冬鄧訓破迷唐西羌傳永元元年張紆坐徵以訓代為校尉鄧訓傳章和二年紆誘誅羌

羌謀報怨公卿舉訓代紆擊破之其春迷唐復欲歸
訓又破之按訓傳下云永元二年則其春者永元元

年春也今從訓傳

和帝永元二年五月副校尉閻襲西域傳作閻槃今從帝紀

三年十二月竇憲請立於除鞬為單于宋由等以為

可許素安獨上封事上竟從憲策素安傳云憲請立左鹿蠡王阿脩為

北單于安以為不可憲竟立右鹿蠡王於除鞬據此
則阿脩與於除鞬是二人素紀作阿脩南匈奴傳止
有右谷蠡王於除鞬無阿脩之名今從之素紀又云宋
由丁鴻尹睦以為阿脩誅君之子又與烏丸鮮卑為
父兄之讐不可立南單于先帝所置今首破北虜新
建大功宜令并領降眾與范書不同又云卒從安議
蓋誤今從
素安傳

六年正月骨都侯喜殺南單于安國帝紀在去年誤今從南匈奴傳

七月班超斬尉犁王汎素紀汎作况今從超傳

九年閏八月樊調妻嬖素紀嬖皆作憑今從皇后紀梁竦傳

越騎校尉趙世西羌傳作趙代今從帝紀

十四年八月班超至洛陽九月卒本傳稱超十二年上疏十四年至洛

陽而妹昭上書曰延頸踰望三年於今注引東觀記
曰安息遣使獻大雀師子超遣子勇隨入塞按帝紀

十三年安息國入貢素紀載超書亦在十三年今
并置其書於此素紀又云超到數月薨今從本傳

安帝永初元年三月甲申葬清河孝王司空宗正護

喪事帝紀書車騎將軍護葬今從傳

封鄧閻為列侯素紀前作閻後作闔蓋誤

十二月詔鄧騭任尚屯漢陽帝紀在六月今從西羌傳

三年六月烏桓寇代郡上谷紀有涿郡傳無之今從傳

四年鄧騭欲弃涼州虞詡言於張禹以為不可龐參

傳皆云四年羌轉盛故有棄涼州之畫又于說鄧騭則騭是騭未以喪罷以前明矣而虞詡傳中言詡辟太尉李脩府為郎中說李脩脩以五年正月方自光祿

勳拜太尉按素紀四年春匈奴寇常山下載騭欲棄涼州詡說太尉張禹又其語言小異於范書此近得實今從之

者二郡皆寄治於襄武歟

五年三月詔隴西徙襄武上云金城徙襄武此又云隴西徙襄武紀傳皆然或

者二郡皆寄治於襄武歟

元初元年二月乙卯日南地圯三月癸亥日食帝紀

已卯日南地圯三月癸酉日食本志及素紀皆云三月已卯日南地圯按長曆是年二月壬辰朔無已卯

三月壬戌朔癸酉十二日不應日食二月當是乙卯三月當是癸亥

十月涼州刺史皮楊紀作皮陽今從西羌傳

二年八月詔班雄屯三輔帝紀冬十月遣任尚屯三輔按西羌傳司馬鈞龐參

抵罪後尚乃代雄屯三輔耳

右扶風仲光素紀作右扶風太守神嵩今從范書

十月龐參梁懂下獄馬融上書謹傳曰懂為度遼將軍明年安定北地上

郡皆被羌寇不能自立詔陸發邊兵迎三郡吏民徒
扶風界懂即遣南單于元子優孤塗奴將兵迎之既
還懂以塗奴接其家屬有勞輒授以羌疾印綬坐車
擅徵下獄抵罪明年校書郎馬融上書訟懂與參按
懂為度遼將軍在永初四年從三郡民在五年
參下獄在今年不得云明年融訟之也疑傳誤
以虞詡為武都太守詡傳曰羌寇武都太守以詡有
敗散南入益州本紀元初元午羌寇武都太守又曰賊
似詡以元初元年為武都太守也然按西羌傳龐參
抵罪後任尚屯三輔時詡猶為懷令說尚用騎兵素
紀亦云懷令虞詡說尚如范書所言又云上問何從
發此計尚表之受於懷令虞詡由是知名遷
武都太守以此驗之當在龐參抵罪後也
四年四月己巳鮮卑連休等入寇范書鮮卑傳上作
連休下作休連今

從上

十二月大牛種封離等反

西南夷傳云五年反今從帝紀

五年八月代郡鮮卑入寇殺長吏

獨行傳云元初中鮮卑數百餘騎寇

漁陽太守張顯率吏士追出塞遙望虜營烟火急趣
之兵馬掾嚴授慮有伏兵苦諫止不聽顯賊令進授
不獲已前戰伏兵發授身被十創歿於陣顯拔刃追
散兵不能制虜射中顯主簿衛福功曹徐咸遠趣之
顯遂墮馬福以身蔽顯虜并殺之朝廷怒授等節詔
書褒歎厚加賞賜按元初凡六年鮮卑不曾犯漁陽
殺長吏惟是入代郡曾殺長吏今
疑此漁陽本是代郡史之誤也

永寧元年春北匈奴車師共攻殺後部司馬

班勇傳元初六

年曹宗遣索班屯伊吾後數月北單于與車師後部
共攻沒班按本紀永寧元年車師後王叛殺部司馬
車師傳亦曰永寧元年後王軍就及毋沙麻反畔殺
後部司馬及敦煌行事蓋班以去年末屯伊吾今春
見殺或今春
奏事方到也

建光元年

陳禪傳曰北匈奴入遼東追拜禪遼東太守胡憚其威疆退還數百里禪不加兵但

使吏卒往曉慰之單于隨使還郡禪於學行禮為說
道義以感化之單于懷服遺以胡中珍貨而去當在
此年矣又按北單于漢朝所不能臣未嘗入
朝天子安肯見遼東太守此事可疑今不改

七月壬寅馬英薨

傳作策罷
誤今從紀

九月戊子幸衛尉馮石府留飲十許日

表紀曰十二
月丙申乃還

宮今從
石傳

延光元年四月龐奮斬姚光收馮煥

帝紀建光元年
四月甲戌龐奮

承偽璽書殺姚光馮緄傳亦云建光元年按帝紀去
年十二月高驪圍玄菟而高驪傳有姚光上言蓋光
實以延光元年被殺紀傳誤以
延為建又今年四月無甲戌

三年三月楊震上疏曰去年十二月四日京師地動

震傳作十一月四日按下文其日戊辰
十一月丙申朔戊辰乃十二月四日也

四年三月立北鄉侯懿

東觀記續漢書作北鄉
侯續今從袁紀范書

十月閻崇屯平朔門

宦者傳作朔平
門今從玄紀

順帝永建元年八月三公劾奏虞詡上書自訟

詡

云帝省其章乃為免司空陶敦按袁紀孫程就國在
九月而敦免在十月蓋帝由此知敦不直因事免之
不然何三府共
奏而獨免敦也

孫程等就國

袁紀秋七月有司奏浮陽侯孫程祝阿
侯張賢為司隸校尉虞詡訶叱左右謗

訕大臣妄造不祥于亂悖逆王國等皆與程黨久留
京都益其驕溢詔免程等徒為都梁侯程怨恨封還
印綬更封為宜城侯范書孫程傳亦云坐訟虞詡訶
叱左右就國按虞詡傳程言見用上不以為怒周舉
傳云程坐爭功
就國今從之

二年帝設壇見樊英

英傳云四年三月乃設壇場見
英黃瓊傳李固勸書已云樊英

設壇席及瓊至上疏薦英稱光祿大夫則是瓊至之時英已嘗設壇見之而為光祿大夫矣至三年旱瓊復上疏若四年方設壇場見英則都與瓊傳異知其必不在四年也

永和二年三月丁丑郭虔為司空索紀作乾今從范書

五月黃龍等九族與宋娥更相賂遺發覺並遣就國

孫程傳云龍等誣罔曹騰孟賁按梁商傳誣罔騰賁者張達等非龍等也

三年八月丙戌令公卿舉武猛官者傳云陽嘉中詔舉武猛良賀獨無所

薦按此詔蓋誤以永和為陽嘉也

六年三月武都太守趙冲擊鞏唐羌西羌傳作武威太守今從帝紀

皇甫規傳云與護羌校尉趙冲按西羌傳冲時尚為太守規傳誤也

夏鞏唐羌寇北地西羌傳作等種羌今從帝紀

漢安元年八月張嬰詣張綱降帝紀九月張嬰寇郡

降按張綱傳云寇亂十餘年則非今年九月始寇郡縣也索紀置嬰降事於八月下十月上今從之

三年六月丙寅立堽樓儲為南單于索紀去年六月立堽樓儲為單

于今從范書

建康元年八月遣馮緄督州郡討賊帝紀作馮赦索紀作馮放皆誤

今據緄傳

九月皇甫規對策梁冀忿之遂廢於家積十餘年規

云冲質之間規對策免歸積十四年檢帝紀此後別無舉賢良事或者此時規舉賢良其至對策時已在質帝世也故云冲質之間自明

年數至梁冀誅亦整十四年也

十一月馬勉稱皇帝帝紀永嘉元年三月勉稱皇帝今據滕撫傳

永嘉元年素紀作元嘉誤

十一月丁未趙序坐畏懦不進詐增首級棄市東觀

取錢縑三百七十

五萬今從滕撫傳

金蛇輸司農神異傳云二府畏懦不敢按之今從杜喬傳

桓帝建和元年六月光祿勳杜喬為太尉帝紀云大

喬傳喬自司農累遷為太鴻臚光祿勳乃為太尉素紀亦然荀淑傳云光祿勳杜喬舉淑方正今從之

七月杜喬諫封梁冀等喬傳此章在為太尉前素紀在為太尉後今從素紀

八月乙未立皇后梁氏皇后紀素紀皆云八月而無考之七月戊申朔無乙未乙未八月十八日也蓋帝紀脫八月字

十一月梁冀誣杜喬請按罪太后不許喬傳云策免而巳喬前巳

免官傳

誤也

元嘉元年四月巳丑上微行私幸河南尹梁胤府舍

素紀作梁不疑府今從范書

二年正月敦煌太守馬達車師傳作司馬達今從于闐傳

永壽元年秋南匈奴左薁鞬臺耆且渠伯德等反帝紀

作左臺且渠伯德等叛今從張奐傳

二年七月李膺為度遼將軍素紀延熹二年六月鮮卑寇遼東度遼將軍李

膺擊破之今從范書

十二月封梁不疑子馬梁胤子桃為侯素紀馬桃封

作馬桃作桃今從范書

三年十一月司徒尹頌薨

素紀在六月今從范書

延熹元年五月梁冀殺陳授帝出此發怒

素紀曰冀以私憾專

殺議郎鄒尊上益怒之今從范書

十二月陳龜為度遼將軍

按匈奴傳每除度遼將軍輒書之此陳龜及前李膺

後神異皆不紀一時既不當有兩官今約其事分著前後

詔遣南單于車兒還庭

素紀元康元年四月中郎將張奐以車兒不能治國事上

言更立左鹿蠡王都緄為單于詔不許范書匈奴傳在延熹元年今從之

二年七月黃門令具瑗

宦者傳作中常侍今從梁冀傳

八月陳蕃薦徐穉等

范書徐穉傳云延熹二年尚書令陳蕃僕射胡廣等上疏薦穉

素紀五年尚書令陳蕃薦五處士按二年胡廣已為太尉五年蕃已為光祿勳今置在二年從范書去廣

名從
素紀

楊秉按單超兄子匡坐論作左校叔孫無忌寇暴徐

充第五種坐徙朔方

楊秉傳作超弟宦者傳作弟子今從第五種傳范書李雲死在

延熹三年春素紀在二年秋按楊秉傳三年坐教雲免歸田里其年冬復徵拜河南尹坐單匡使客任方刺衛羽繫獄亡走論作左校第五種傳匡遣客刺羽超積忿以事陷種若如范書則雲死時單超已卒何得更能陷種又雲書所論者立鄧后與封五侯事皆在二年素紀似近之種傳又云衛羽為種說叔孫無忌無忌率其黨與三千餘人降按帝紀延熹三年十一月無忌攻殺都尉侯章又賊曼訟種書稱種所坐盜賊公負筋力未就然則種必不能降無忌此說妄也

三年正月左回天具獨坐徐卧虎唐雨墮

太子賢注范書雨墮

作兩墮云謂隨意所為不定也諸本用或作雨按兩墮者謂其性急暴如雨之墮無有常處也

四年二月种嵩為司徒素紀在去年按祝恬慶後有盛允允免嵩為司徒相去半年素紀誤也今從范書

五年十月度尚為荊州刺史馮緄討武陵蠻帝紀三月武陵蠻寇江陵車騎將軍馮緄討皆降散荊州刺史度尚討長沙蠻平之此事當在今年三年重出誤也

七年二月丙戌黃瓊薨范書四年瓊免司空至七年書揚乘五年代劉矩為太尉素紀七年瓊以太尉薨范此年瓊卒乘乃為太尉今從范書

十二月誅寇榮素紀置此事於延熹元年按范書榮來三赦再贖不知榮死果在何年按襄楷寶武上書皆言梁孫寇鄧之誅今置於此

八年正月楊乘劾奏宦官楊乘傳南巡之明年乘劾宦官則是在此年矣宦官者

傳韓演奏具瑗瑗坐奪國為鄉侯與秉傳所云削瑗國共是一時事明矣而素紀載在去年春與范不同今從范書

五月張磐會赦不肯出獄按張磐會赦得原檢帝紀也六年三月赦前此二年永康元年六月赦後此二年今從帝紀

九年七月富賈張汎陳蕃傳作張汎謝承書汎作張子禁今從岑旺傳

張儉舉奏侯覽素紀儉行部至平陵逢覽母儉按劔吏卒收覽母殺之追擒覽家屬賓客死者百餘人皆僵尸道路伐其園宅并堙木刊雞犬器物悉無餘類苑康傳亦云張儉殺侯覽母按其宗黨或有逆罔太山界者康窮相收掩無得遺脫覽大怒之徵請廷尉坐徙日南按侯覽傳云覽喪母還家陳蕃傳云程超沒入侯覽財產坐髡鉗皆不云儉殺其母若果殺之則苑康不止徙日南也侯覽傳又云建寧二年喪母蓋以誅黨人在其年致此誤耳

成瑁等下獄陳蕃劉茂共諫請之陳蕃傳又有司徒劉矩按時胡廣為

司徒非矩也

襄楷上疏曰前年冬竹栢傷枯帝紀此年十二月書洛城傍竹栢枯傷誤也

司隸李膺促捕張成黨錮傳云膺為河南尹按膺此事非作尹時也

牢脩上書誣告李膺等素紀作牢順今從范書

陳蕃上書極諫帝策免之素紀李膺下獄在九月范書蕃免在七月蕃傳上書

極諫曰膺等或禁錮閉隔或徒死非所云云按膺等救出在明年六月再下獄死徒在建寧二年十月蕃既以此年七月免則蕃傳所云疑非蕃書也又素紀無陳蕃免事靈帝即位以太尉陳蕃為太傅按蕃免後有太尉周景蓋素紀誤也

永康元年五月竇武上疏曰今臺閣近臣尚書朱寓

等武傳武上疏曰今臺閣近臣尚書今陳蕃僕射胡廣尚書朱寓等按蕃廣時不為令僕故去之

六月黨人書名三府帝紀於去年冬書李膺等二百餘人受誣為黨人並坐下獄書

名三府按陳蕃以訟李膺免即膺等下獄已在前後遇赦方得書名三府則帝紀所紀為兩無所用故去之又故書三府為王府劉攽曰當為三府

十二月迎解濟亭侯宏時年十二范書云即帝位年十二素紀初立為

嗣詔書云年十有二建寧二年誅黨人時云年十四素紀是也

靈帝建寧元年正月壬午竇武為大將軍素紀延熹九年四月

戊寅特進竇武為大將軍武移病固讓至于數十不許范書在今年正月壬午武傳為大將軍亦在迎立靈帝後今從之

陳蕃為太傅

帝紀拜蕃太傅在即位後傳在前緣有蕃責尚書等語故知從傳是也

九月辛亥朱瑀盜發竇武奏

范書帝紀作丁亥袁紀作辛亥按長曆是年九月乙巳朔無丁亥今從袁紀

陳蕃聞難將官屬諸生拔刃突入承明門

袁紀蕃到承明門使

者不納曰公未被詔召何得勒兵入宮蕃曰趙鞅專兵向宮以逐君側之惡春秋義之有使者出開門蕃到尚書門正色云云今從范書

王甫使劔士收蕃送北寺獄

范書蕃傳曰蕃拔劔叱甫甫兵不敢近乃益人

圍之數十重遂執蕃送獄今據袁紀

二年四月壬辰青蛇見御坐癸巳大風雨雹

帝紀建寧二年

四月癸巳大風雨雹楊賜傳熹平元年青蛇見御坐續漢志熹平元年四月甲午青蛇見御坐袁紀建寧

二年四月壬辰青蛇見癸巳大風按張奐傳論陳竇薦王李與袁紀相應今從之

九月郭泰聞黨人死私為之慟曰漢室滅矣

范書以

為哭陳竇袁紀以為哭三君八俊今從之

中常侍袁赦

袁紀作袁朗今從范書袁隗傳

熹平元年五月曹節等欲別葬竇太后陳球下議太

尉李咸上疏

袁紀云河南尹李咸執藥上書曰昔秦

始養如初夫以秦后之惡始皇之恃尚納直臣之語不失母子之恩豈况皇太后不以罪歿陛下之過有重始皇臣謹左手齋章右手執藥詣闕自聞如遂不省臣當飲鴆自裁下觀先帝具陳得失章省上感其言使公卿更議廷尉陳球乃下議與范不同今從范書

七月有人書朱雀闕言天下大亂曹節王甫幽殺太

后舊云常侍侯覽多殺黨人按侯覽已死恐誤今去之

十二月袁隗為司徒袁紀在四年今從范書

三年三月嗣中山穆王暢薨無子國除本傳云子節王稚嗣無子

國除與帝紀異未知孰是又不和稚薨在何年今且從帝紀

六年四月旱蝗三公條奏長吏苛酷貪汚者陽球坐

嚴酷徵詣廷尉本傳司空張顛條奏按顛光和元年為太尉未嘗為司空球光和元年陷

蔡邕時已為將作大匠不知被徵果在何年唯熹平五年六年大旱故附於此

光和元年九月司空來豔薨袁紀云豔以久病罷今從范書

二年三月袁滂免劉邵為司徒袁紀二月丁巳滂免劉邵作劉邵今從范

書

四月辛巳陽球奏收王甫下獄死曹節見磔甫屍道

次投淚曰我曹自可相食袁紀云球會虞貴人葬還入夏城門曹節見謁於道

旁球大罵曰賊臣曹節節收淚於車中而有是語今從范書

三年十二月己巳立何皇后袁紀在十一月今從范書

帝問侍中任芝樂松范書云中常侍樂松本馮都文學必非中常侍袁紀云侍中

今從之

四年九月劉寬免許馘為太尉袁紀十月許郁坐辟召錯繆免楊賜為太

尉今從范書

閏月楊賜免十月陳耽為司徒袁紀三年閏月楊賜父病罷十月陳耽為

司徒蓋誤置閏于去年按長曆此年閏十月以袁紀考之閏九月為是恐長曆差一月今從范書帝紀

五年正月陳耽上言劉陶傳光和五年以謠言舉二千石耽與議郎曹操上言按耽已為司徒不應與議郎同上言王沈魏書曰是歲以災異博問得失太祖因此上書切諫不云與耽同上言也今但云陳耽

六年冬本紀云大有年按今夏大旱縱使秋成亦不得為大有年今不取

張角置三十六方袁紀作坊今從范書

中平元年春濟南唐周告張角反袁紀云濟陰人唐客今從范書

車裂馬元義袁紀曰五月乙卯馬元義等於京都謀反伏誅今從范書

二月角自稱天公將軍角弟寶稱地公將軍寶弟梁

稱人公將軍司馬彪九州春秋云角弟梁梁弟寶袁紀云角弟良寶今從范書

張鈞上書請斬十常侍范書宦者傳上列常侍十二人名而下云十常侍未詳

七月巴郡張脩反范書靈帝紀有此張脩陳壽魏志張魯傳有劉焉司馬張脩劉又曲

略有漢中張脩裴松之以為張脩應是張衡非典略之失則傳高之誤按魯傳云祖父陵父衡皆為五斗

米道衡死魯復行之劉焉司馬張脩與魯同擊漢中魯襲殺脩非其父也今此据范書

十二月王允下獄袁隗楊賜上疏請之允傳云太尉

賜按隗賜時皆不為此官恐誤

三年二月趙忠為車騎將軍傳燮出為漢陽太守袁紀

在明年九月今從范書

四年四月傳燮戰歿袁紀在明年五月今從范書

十月長沙賊區星范書作觀鵠今從陳壽吳志

五年三月益州刺史郤儉范書作郗儉今從陳壽蜀志

南匈奴右部醯落攻殺單于羌渠帝紀休屠各胡功殺并州刺史張懿

遂與南匈奴左部胡合殺其單于今從匈奴傳

八月置西園八校尉范書素紹傳紹為佐軍校尉何進傳淳于瓊為佐軍校尉今從

樂資山陽公載記

十月甲子帝講武問蓋勳勳傳云勳時與宗正劉虞佐軍校尉素紹同典禁兵

勳謂虞紹云云按虞於匈奴未叛之前已為幽州牧又宗正非典兵之官今除之

六年四月劉虞為太尉素紀三月巳丑光祿劉虞為司馬領幽州牧今從范書

戊午皇子辯即位年十四帝紀云年十七張璠漢紀曰帝年十四今從之

中常侍郭勝元紀作郭豚九州春秋作郭勝今從何進傳

六月辛亥董后暴崩九州春秋曰太后憂懼自殺今從皇后紀

七月皇甫嵩從子麗袁紀作從子

何進召董卓進傳曰召卓屯關中上林苑按時卓已

脅太后也今從卓傳

素術燒南宮青瑣門何進傳作九龍門今從素紀

十月白波賊寇河東帝紀五年九月南單于叛與白波賊寇河東按匈奴傳帝崩之後於扶羅乃與白波賊為寇紀誤今從傳

十二月尚書武威周勃城門校尉汝南伍瓊范書云

書漢陽周勃侍中汝南伍瓊素紀作侍中周勃今從魏志及英雄傳

孔佃為豫州刺史九州春秋作孔

韓馥聽素紹舉兵范書魏志俱有此舉兵之舉兵之前若在舉兵

後時紹已為盟主馥何敢禁其發兵
若在舉兵前則近是也今從魏志

資治通鑑考異卷第二

資治通鑑考異卷第三

漢紀下

獻帝初平元年三月乙巳車駕入長安袁紀作巳巳今從范書

索術據南陽范書術傳云劉表上術為南陽太守表傳云術阻兵屯魯陽表不得至荆州魏

志術傳孫堅殺張咨術得據南陽魏武帝紀此年二月巳云術屯南陽蓋術初奔魯陽此春孫堅取南陽

術乃據之猶以魯陽為治所也

六月王匡殺胡毋班等謝承後傳漢書曰班王匡之

馬公太僕趙岐少府陰脩俱受詔命關東諸郡雖實

嫉卓猶以術奉王命不敢玷辱而足下獨囚僕於獄

遣韓融等安集關東索術王匡各執而殺之三年八月遣馬日磾及趙岐慰撫天下袁紀遣馬趙亦在三年八月時董卓已死而此書云與馬趙俱受詔又云

志卓遷怒自相垂迕
疑非班書今不取

冬蔡邕議省廟號袁紀在明年

二年四月皇甫嵩荅董卓范書高傳及山陽公載記

璠漢

韓馥以冀州讓袁紹長史耿武治中李歷諫九州春秋

或今從范書魏志袁紀又范書騎都尉沮授諫無李歷今從魏志袁紀

十月帝遣劉和詣父虞范書劉虞傳虞使田疇使長

出按魏志公孫瓚傳但云天子思歸不云因疇至也若爾當令和與疇俱還不應出武關又疇未還劉虞

已死虞死在初平四年冬界橋戰在三年春范書誤也

孫堅戰死范書初平三年春堅死吳志孫堅傳亦云初平三年英雄記曰初平四年正月七日

死袁紀初平三年五月山陽公載魏志載策表曰臣年

十七喪失所估裴松之按策以建安五年卒時年二十六計堅之亡策應十八而此表云十七則為不符

張璠漢紀及胡冲吳歷並以堅初平二年死此為是而本傳誤也今從之

三年袁紹斬嚴綱九州春秋作劉綱今從范書魏志

四月騎都尉李肅袁紀作李順今從范書魏志

荀攸與鄭泰种輯謀殺董卓魏志云攸與何顒伍瓊同謀按顒瓊死已久恐

誤

五月范書丁酉大赦袁紀丁未大赦按是年正月丁丑大赦及李催求赦王允曰一歲不再赦然則

五月必無赦也

李催等圍長安守之八日魏志云十日今從范書

楊州刺史陳温卒素術以陳瑀為刺史

獻帝紀四年三月素術殺

陳温據淮南魏志術傳云術殺温領其州裴松之按英雄記温自病死不為術所殺九州春秋曰初平三年揚州刺史陳瑀死術以瑀領揚州蓋

陳瑀當為陳温實以三年卒今從之

四年正月丁卯赦

素紀五月丁卯赦今從范書

六月闕宣稱天子陶謙擊殺之

范書謙傳作闕宣今從魏志武紀及謙傳

魏武紀又曰謙與宣共舉兵取泰山華費掠任城謙傳亦云謙始與合從後遂殺之并其眾按謙據有徐州託義勒王何藉官數千之眾而與之合從蓋謙別將與宣共襲曹嵩故曹操以此為謙罪而伐之耳

興平二年正月癸丑赦

素紀作癸酉按長曆是月癸卯朔無癸酉今從范書

拜素紹為右將軍

素紀作後將軍今從范書

閏月己卯帝使皇甫鄴和催汜

素紀鄴作麗今從范書

沮授說素紹迎天子

魏志紹傳曰天子在河東紹遣郭圖使焉圖還說紹迎天子都

鄴紹不從今從范書

孫策渡江

魏志素紀皆云初平四年策授素術使渡江漢獻帝紀吳志孫策傳皆云興平元年

虞傳江表傳云策興平二年渡江按術初平四年始得壽春策傳云術欲攻徐州從陸康求米事必在劉

備得徐州後也劉繇傳稱吳景攻繇歲餘不克則策渡江不應在興平元年已前今依江表傳為定

劉繇敗走

帝紀繇敗走在興平元年今從江表傳

繇使朱皓攻諸葛玄

素曄獻帝春秋云劉表上玄領豫章太守范書陶謙傳亦云劉

表所用而陳志諸葛亮傳云術所用按許劭勸繇依表必不攻其所用也今從亮傳

建安元年六月劉備戰敗屯於海西

蜀志備傳於此云楊奉韓暹寇

徐揚間備邊擊盡斬之按暹奉後與呂布同破袁術於時未死也備傳為誤

備屯小沛備傳云遣關羽守下邳

八月董承等拒曹洪魏志此事在正月而荀彧傳

曹操為鎮東將軍魏志在六月而董昭

十月郭嘉諫操圖劉備傳子以為程昱郭嘉

二年孫策襲烏程侯江表傳曰建安二年夏王誦奉

九月操擊斬橋蕤范書曰布破張勳於下邳

又還也然魏志呂布傳無橋蕤事當是范書誤

操攻呂布灌城月餘范書布傳云灌其城三月魏志

至下邳及殺布共在一季不可言三月今從魏志武紀

劉備諫操緩呂布獻帝春秋曰太祖意欲活布命使

其眾近在外不可寬也太祖曰本欲相緩主薄復不聽如之何今從范書陳志

十二月桓階說張羨附曹操魏志桓階傳羨按范書

劉表傳建安三年羨表在官渡前也

孫策遣張紘獻方物江表傳曰倍於元年所獻其年

在二年非元年也又陳志紘傳曰建安四年遣紘奉章詣許按吳書紘述策才略忠款曹公乃優文襲崇

改號加封然則紘來在策封吳侯前本傳誤也

四年四月袁術部曲奔劉勳吳志孫策傳曰術死長

其眾欲就策廬江太守劉勳邀擊悉虜之收其珍寶以歸與諸書不同今從范書陳志術厚及江表傳

十二月華歆迎孫策華嶠譜敘曰孫策略有揚州盛

郊迎教曰無然策稍進復白發兵又不聽及策至一府皆造閣請出避之乃笑曰今將自來何遽避之有

頃門下白曰孫將軍至請見乃前與歆共坐談議良久夜乃別去義士聞之皆長歎而心自服也此說大不近人情今不取

劉備殺車胄

蜀志先敘董承謀洩誅死備乃殺車胄魏志備殺車胄後明年董承乃死索紀備據下邳亦在承死前蜀志誤也

五年正月曹操破備

魏書曰備謂操與大敵連不得驚然猶未信自將數十騎出望公軍見麾旌便棄衆而走計備必不至此魏書多妄

四月孫策擊陳登到丹徒

此事出江表傳據策傳云傳云登為孫權所圍於匡奇登今矯求救於太祖太祖遣赴救吳軍既退登設伏追奔大破之先賢行狀云登有吞滅江南之志孫策遣軍攻登於匡奇城登大破之斬虜以萬數賊忿喪軍尋復大興兵向登登使功曹陳矯求救於太祖此數者參差不同孫盛異同評云按索紹以建安五年至黎陽策以四月遇害

而志云策聞曹與紹相拒於官渡謬矣伐登之言為有證也今從之

策殺許貢

江表傳曰初貢上表於漢帝言策驍於宜以策策以讓貢貢辭無表策令武士絞殺之按貢先為朱治所迫已去郡依嚴白虎安能復爾蓋策破

白虎時殺貢耳

丙午策卒

虞喜志林云策以四月四日死故置此陳志策傳策陰欲襲許迎漢帝密治兵部署未發為許貢客所殺郭嘉傳曰策渡江北襲許衆聞皆懼嘉料之曰策輕而無備必死於匹夫之手果為貢客所殺嘉雖先見安能知策死於未襲許之前乎

十月許攸奔曹操

魏志武紀曰攸貪財索紹不能為耳能足來奔今從范書紹傳

操破紹殺七萬餘人

范書紹傳曰所殺八萬人按獻帝起居注曹公上言凡斬首七萬餘

周瑜止魯肅肅傳曰劉子揚招肅往依鄭寶肅將從其衆與劉勳勳為策所滅寶安得及權時也

七年五月南單于降魏志張既傳曰高幹反單于皆降非也

八年二月曹操攻黎陽魏志武紀作三月今從范書

與太祖相拒黎陽自二月至九月當云自九月至二月

操追袁譚袁尚至鄴范書紹傳曰尚逆擊破操軍今從魏志紹傳

九年七月袁尚保祁山魏志紹傳云還走濫口范書作藍口今從魏武紀

十三年正月趙溫免獻帝起居注在十五年范書帝紀在十三年按是年罷三公官

溫不至十五年也

甘寧奔孫權吳志孫權傳建安八年十二年皆嘗討黃祖凌統傳父操死時統年十五攝

兵後擊麻保屯刺殺陳勤按周瑜孫瑜傳以十一年擊麻保屯則操死似在八年然後五年寧乃奔權似晚今無年月可摺追言之

六月曹操表馬騰為衛尉典略曰建安十五年徵騰為衛尉按張既傳曹公將

征荊州今既說騰入朝蓋三字誤為五耳

八月蒯越等說劉琮降范書陳志表傳皆云韓嵩亦說琮降按嵩時被囚必不預謀

九月操以王粲為掾屬蔡傳曰太祖置酒漢濱蔡奉

陵至襄陽即過日行三百里引用名士皆至江陵後所為不得更置酒漢濱恐誤

十二月孫權圍合肥魏志武紀十二月權為備攻合

意救合肥權聞意至乃走公至赤壁與備戰不利孫盛異同評曰按吳志備先破公軍然後權攻合肥而

此紀云先攻合肥後有赤壁之事二者不同吳志為是又陳矯傳云陳登為權所圍於匡奇今矯求救於曹操而先賢行狀云登為策所圍按策始欲攻登未濟江已為許貢客所殺吳書云權征合肥命張昭別討匡奇於時陳矯已為曹仁長史又陳登年三十六而卒必已不在不知登之被圍果在何時也

十四年三月權燒圍走魏志武紀十二月權圍合肥劉馥傳云攻圍百餘日孫權

傳云踰月不能下由此言之權退必在今年明矣

張遼討斬陳蘭梅成遼傳無年按繁欽征天山賦云建安十四年十二月甲辰丞相

武平侯曹公東征臨川未濟羣舒蠢動割有潛六乃而南徂故

置於此

十五年十二月周瑜卒按江表傳瑜與策同年策以建安五年死年二十六瑜死

時年三十六故知在今年也

魯肅勸權以荊州借備肅傳曰曹公聞權以土地業備方作書落筆於地恐操不

至於是不今不取

十六年八月操遣徐晃等渡蒲阪津晃傳曰太祖至潼關恐不得渡

召問晃晃曰公盛兵於此而賊不復別守蒲阪知其無謀也今假臣精兵渡蒲阪津為軍先置以截其裹

賊可禽也太祖曰善按武帝紀替遣二將渡蒲阪皆太祖之謀而晃傳云皆晃之策蓋陳氏各欲稱其功

美不相顧耳

操與韓遂語許褚傳曰太祖與韓遂馬超等會語左右皆不得從唯將褚超負其力陰欲前

突太祖素聞褚勇疑從騎是褚乃問曰公有虎侯者安在太祖顧指褚褚瞋目踞之超不敢動按時超不與遂同在彼故

疑遂此說妄也

十二月法正說劉備取益州韋曜吳書曰備前見張松後得法正皆厚以恩

德接納盡其殷勤之歡因問蜀中閣狹兵器府庫人馬衆寡及諸要害道里遠近松等具言之按劉璋劉備傳松未嘗先見備吳書誤也

十七年十月荀彧飲藥而卒陳志彧傳曰以憂薨范書彧傳曰操饋之食發

視乃空器也於是飲藥而卒孫盛魏氏春秋亦同按彧之死操隱其誅陳壽云以憂卒蓋闕疑也今不正言其飲藥恐後世爲人上者謂隱誅可得而行之也

十八年九月馬超奔張魯楊阜傳云十七年九月武帝紀十八年超在漢陽復

因羌胡爲害十九年正月趙衢等討超超奔漢中按姜敘九月起兵超即應出討超出衢等即應閉門不應至來年正月蓋魏史書捷音到鄴之月耳楊阜傳誤也

十九年七月操留少子植守鄴植傳云太祖戒之曰十三思此時所行無悔於今今汝年亦二十三矣又云植太和六年薨年三十一按植今年年二十三則

死時當年四十一矣本傳誤也

二十年五月呂蒙留孫河委以後事按孫河已死或它人同姓名耳

劉備聞操將攻漢中備傳云曹公定漢中孫權傳云未應即聞之而八月權已攻合肥蓋

聞曹公兵始欲向漢中即引兵還耳

七月張衛等夜遁武帝紀曰公至陽平張魯使弟衛

解散公乃密遣解慟等乘險夜襲大破之劉擘傳曰太祖欲還令擘督後諸軍擘策魯可克馳白太祖不

如致攻遂進兵魯乃奔走郭頒世語魯遣五官掾降弟衛拒王師不得進魯走巴中軍糧盡太祖將還西

曹掾郭諶曰魯已降留使既未反衛雖不同偏携可攻縣軍深入以進必克退必不免太祖疑之夜有野

糜數千突壞衛營軍大驚高祚等誤與衛衆遇衛以爲大軍見掩遂降魏名臣奏載楊暨表曰武皇帝征張魯以十萬之衆身親臨履張衛之守蓋不足言地險守易雖有精兵虎將勢不能施對兵三日欲抽軍

還天祚大魏魯守自壞因以定之又載董昭表其承涼州以下皆昭表所述必得實今從之

守將雖斬之安聞曹公定漢中乃還如此則備時猶在公

安也

二十二年正月操軍居巢孫權傳曹公次居巢攻濡須並在去冬今從魏武紀

二十四年正月劉備營於定軍山備傳云於定軍山勢作營法正傳作

定軍興勢今從黃忠傳

斬夏侯淵淵傳曰備夜燒圍鹿角淵使張郃護東圍自將輕兵護南圍備挑郃戰郃軍不利淵

分兵半助郃為備所襲戰死張郃傳曰備於走馬谷燒都圍淵救火從他道與備相遇交戰短兵接刃淵遂沒今從劉備

黃忠法正傳

魏紀

高祖黃初元年十月辛未升壇受禪陳志云丙午行位庚午升壇即作素紀亦云庚午魏王即位按獻帝紀乙卯始發禪冊二十九日登壇受命又文帝受禪碑至今尚在亦云辛未受禪陳志素紀誤也范書云魏遣使求璽綬曹皇后不與如此數輩后乃呼使者以璽抵軒下因涕泣橫流曰天不祚爾左右皆莫能仰視按此乃前漢元后事且璽綬無容在曹后之所此說妄也

二年陳志正月乙亥朝日于東郊裴松之以為朝日在二月按二月辛丑朔無乙亥

烈祖太和二年正月姜維降漢孫盛雜語曰維詣諸葛亮與毋相失後得

母書令求當歸維曰良田百頃不在一畝但有遠志不在當歸也按維粗知學術恐不至此今不取

青龍二年唐太宗晉書景懷夏侯后傳后以此年死云宣帝居上將之重諸子並有雄才大略

后知帝非魏之純臣而后既魏氏之甥帝深忌之遂以鳩崩按是時司馬懿方信任於明帝未有不臣之

通鑑卷之三

通鑑卷之三

通鑑卷之三

通鑑卷之三

迹况其諸子乎徒以魏甥之故猥鳩其妻都非事實蓋甚之之辭不然師自以他故鳩之也今不取

景初二年六月公孫淵圍塹二十餘里晉宣紀云南北六七十

今從淵傳

十二月劉放執帝手作詔免燕王宇等官放傳曰宇性恭良陳

誠固辭帝引見放資入卧内問曰燕王正爾為放資對曰燕王實自知不堪大任故耳帝曰曹爽可代宇

否放資因贊成之又深陳宜速召太尉司馬宣王帝納其言放資既出帝意復變詔止宣王勿來尋更見

放資曰我自召太尉而曹肇詩反使吾止之命更為詔帝獨召爽與放資俱受詔命遂免宇獻肇朗官按

陳壽當晉世作魏志若言放資本情則於時非美故遷就而為之諱也今依習鑿齒漢晉春秋郭頌世語

似得其實

邵陵厲公正始四年十二月陸遜諫吳主不分嫡庶

吳錄曰權時見楊竺辟左右而論霸之才竺深述霸有文武英姿宜為嫡嗣於是權乃許立馬既而孫有表極諫權疑竺泄之乃斬竺按竺死在太子廢後吳錄所述妄也

嘉平元年正月曹爽何晏等族誅魏氏春秋曰宣王使晏典治爽等獄

晏窮治黨與冀以獲宥宣王曰凡有八族晏疏丁鄧等七姓宣王曰未也晏窮急乃曰豈謂晏乎宣王曰

是也乃收晏按宣王方治爽黨安肯使晏典其獄就令有之晏豈不自知與爽最親而冀獨免乎此殆孫

盛承說者之妄耳

五年十月吳孫峻殺諸葛恪恪傳曰恪省張約等書而去未出路門逢太常

滕胤恪曰卒腹痛不任入胤不知峻陰計謂恪曰君自行旋未見上今上置酒請君君已至門宜當力進

恪躊躇而還孫盛以為不然今從吳歷

高貴鄉公正元二年十二月吳作太廟吳歷太平元年正月立太

祖廟沈約宋書孫亮立明年正月立權廟今從吳志

元帝景元元年正月高貴鄉公出懷中黃素詔王沈

王業奔走告司馬昭王經不從世語曰經因沈業申意今從晉諸公贊

陳泰請斬賈充魏氏春秋曰帝之崩也太傅司馬孚尚書右僕射陳泰枕帝尸於股號哭

盡哀大將軍入禁中泰見之悲慟大將軍亦對之泣

謂曰玄伯其如我何泰曰獨有斬賈充少可以謝天

下耳大將軍又之曰卿更思其他泰曰豈可使泰復

發後言遂歐血薨裴松之以為違實今從子寶晉紀

四年九月護軍荀愷晉書文紀作部將易愷今從魏志

咸熙元年正月衆殺姜維鍾會衛瓘傳曰會劉瓘謀議乃書板云欲殺胡

烈等舉以示瓘瓘不許因相疑貳瓘如廁見胡烈故

給使使宣語三軍言會反會逼瓘定議經宿不眠各

橫于膝上在外諸軍已潛欲攻會瓘既不出未敢先

發會使瓘慰勞諸軍瓘便下殿會悔遣之使呼瓘

身所能容恐當作升

剖膽如斗大如斗非

東門以襲殺會及維今從魏志又世語曰維死時見

誅之諸將半入而南安太守胡烈等知其謀燒成都

共攻會殺之常據華陽國志曰會命諸將發喪因欲

無所憚及暮門閉瓘作檄宣告諸軍並已唱義陵旦

齋湯大吐會遣所親人及醫視之皆言不起會由是

辭收疾動詐作地比出閣數十信追之瓘至外解服

晉紀

世祖泰始元年九月乙亥葬文王晉書文紀作癸酉今從魏陳留王志

二年八月陸凱上疏諫吳主陳壽曰予連從荆揚來者得凱所諫皓二十事

博問吳人多云不聞凱有此表又按其文殊甚切直

恐非皓之所能容忍也或以為凱藏之篋笥未敢宣

行病因皓遣董朝省問欲言因以付之虛實難明故

不著于篇然愛其指擿皓事足為後戒故鈔列于凱

十月丙午朔日食

宋書志無此食今從晉書

十二月吳主還都建業

吳志陸凱傳或曰寶鼎元年十二月凱與丁奉丁固謀因

皓謁廟欲廢皓立孫休子時左將軍留平領兵先驅故密語平平拒而不許誓以不泄是以不果按凱盡忠執義必不為此事况皓殘酷猜忌留平庸人若聞凱謀必不能不泄殆虛語耳今不取

四年正月丙戌賈充等上律令帝令裴楷執讀

刑法志云

泰始三年事畢表上今從武紀裴楷傳云文帝時詔楷於御前執讀今從刑法志

九月石苞免官

晉書武紀及苞傳皆無苞免官年月置在此今從之苞傳又云救琅邪王佃自下邳會壽春按武紀佃明年二月乃鎮下邳恐傳誤

十月吳萬彘寇襄陽

晉帝紀作郁今從吳志

五年二月文立言蜀名臣子孫宜敘用

立傳載此表在遷太子中

庶子後按泰始七年立舉卻詵時猶為濟陰太守於今未為庶子也若諸葛京署吏不因立表則京先已署吏立不當更云宜量材敘用也

六年正月吳丁奉入渦口

吳志丁奉傳建衡元年攻晉穀陽晉帝紀不載奉傳

不言入渦口疑是一事

七年四月吳陶璜襲殺董元

璜傳云出其不意徑至交趾按元乃九真太守

非交趾也華陽國志云元病亡楊穆更以王素代之按武帝紀四月九真太守董元為吳將虞汜所攻軍敗死之則元非病亡蓋穆雖以素代元未至郡而元死也

衆胡內叛與樹機能圍牽弘弘死之

崔鴻十六國春秋秃髮烏孤傳

云其先樹機能本河西鮮卑泰始中殺秦州刺史胡烈斬涼州刺史牽弘晉帝紀叛虜殺胡烈此地胡殺牽弘皆不言鮮卑蓋言羣虜內叛則鮮卑亦在其中矣或此地胡即樹機能也

七月癸酉賈充都督秦涼三十國春秋晉春秋充出
並在八年二月按武帝紀
充出在此月蓋二春秋以太子
納妃在八年二月致此誤也

陶璜陷交趾殺毛吳漢晉春秋曰初霍弋遣楊稷毛
吳等戍交趾與之誓曰若賊圍

城未百日而降者家屬誅若過百日救兵不至而城
沒者吾受其罪稷等守未百日糧盡乞降於璜不許
而給糧使守諸將並諫璜曰霍弋已死不能救稷等
必矣可須其日滿然後受降使彼得無罪而我取有
義內訓吾民外懷鄰國不亦可乎稷等期訖糧盡救
兵不至乃納之華陽國志則云稷等城破被囚稷歐
血死吳罵賊死二者相戾不可得合而晉陶璜傳兼
載之按孫皓猜忌恐璜不敢以糧資敵今從華陽國
志

十月丁丑朔日食宋書五行志有五月庚辰食無十
月丁丑食晉書紀及天文志有十

庚辰食今從晉書

十二月安樂思公劉禪卒晉春秋云禪謚惠
公今從王隱蜀記

八年夏張弘殺皇甫晏王濬討斬之華陽國志弘殺
晏在十年五月

武帝紀在今年六月按王濬請伐吳表云臣作船七
年日有朽敗濬再為益州刺史方受詔作船咸寧五
年下詔伐吳借使濬以其年上表則再為益
州亦在泰始九年之前矣今從晉紀為定

祜表留濬復為益州羊祜傳云表留濬監益州諸軍
事加龍驤將軍按濬傳祜密表

留濬重拜益州刺史又曰尋以謠言拜龍驤將軍監
梁益諸軍事然則作刺史與監軍自是二事也華陽
國志又云咸寧四年濬遷大司農五年拜龍
驤監梁益二州按時羊祜已卒尤不可據

濬造舟艦華陽國志云咸寧三年三月濬受詔作艦
按濬表云作船七年則國志不可據也

十月尹璩卒宋質廢梁澄表令狐豐為燉煌太守晉
春

秋璩作據今從武紀武紀云令狐
豐廢澄自領郡事今從晉春秋

賈充宴朝士

三十國春秋在十一月晉春秋在十月月已巳恐皆非實故附于冬末

吳萬彘自殺

吳志孫皓傳云彘被譴憂死今從江表傳

九年正月辛酉鄭柔卒

按本傳柔為司空固辭久之見許以侯就第拜儀同三司

而帝紀云司空鄭柔薨誤也

七月丁酉朔日食

宋志恐此食今從晉書

十年四月吳主誅章安侯奮

江表傳曰張布女有寵於皓而死皓厚葬之國

人見葬太奢麗皆謂皓已死所葬者是也皓舅子何都願狀似皓故民間訛言都代立臨海太守奚熙信訛言舉兵欲還抹陵誅都都叔父植時為備海督擊殺熙夷三族訛言乃息又云奮本在章安徙還吳城禁錮使男女不得通婚或年三十四不得嫁娶奮上表乞自比禽獸使男女自相配偶皓大怒遣察戰齋藥賜奮父子皆飲藥死裴松之按建衡二年至奮之死孫皓即位尚未久若奮未被疑之前兒女年二

十左右至奮死時不得年三十四也若先已長大自失時未婚娶不由皓之禁錮矣此雖欲增皓之惡然非實理又吳志孫皓傳鳳凰三年會稽妖言奮為天子遂誅奚熙不言誅奮孫奮傳建衡二年左夫人王氏卒民間訛言遂誅奮及五子三十國晉春秋自皓納張布女至殺奮皆在天冊元年按奮若以建衡二年死不容至鳳凰三年會稽方有訛言不知奮死果在何年今因奚熙之死終言之

咸寧三年五月吳將邵顛

武紀作邵凱今從羊祜傳

七月楊珧議封建

職官志以為珧與荀勗以齊王攸有時望懼太子有後難故建此議

使諸王之國帝初未之察於是下詔議其制按勗傳有異議又時濟王不之國疑此說非實今不取

十二月衛瓘離間二虜務桓降力微死

魏收後魏書

如去甲之孫昭成四年死子務桓立按昭成四年晉成帝咸康七年也務桓不應與瓘同時蓋二人皆名耳

四年七月司冀等州大水螟傷稼杜預上疏食貨志云咸寧

三年杜預傳云四年按五行志三年大水無蟲災四年螟今從預傳

九月張尚忤吳主徙建安尋殺之三十國春秋云岑昏等泥頭請代尚

死尚得免死徙廣州今從尚傳參取環氏吳紀

十月衛瓘撫牀帝令太子決尚書疑事三十國春秋在泰始八年

按瓘傳泰始初為青州刺史徙幽州八年不得在京師瓘傳在遷司空後按帝紀泰康三年賈充卒十二月瓘為司空故移

在入為尚書令下

傳玄卒玄傳曰五年遷太僕轉司隸景獻皇后崩在四年玄爭位罵尚書免尋卒按景獻后崩在四年玄

傳誤也

五年十一月馬隆轉戰而前隆傳曰或夾道累磁石賊被鐵鎧行不得前隆

卒悉披犀甲無所留礙賊以為伸按此說太誕恐不可

太康元年二月乙丑王濬擊殺吳陸景武紀壬戌濬城殺陸景陸抗傳壬戌殺晏癸亥殺景王濬傳

壬戌克夷道獲晏乙丑克樂鄉獲景今從濬傳

或曰方春水生難於久駐杜預傳曰今向暑水潦方

依三十國春秋

五月丁亥朔孫皓至吳志皓傳天紀四年三月丙寅殺岑昏戊辰陶濬從武昌還壬

申王濬到受皓降五月丁亥集于京邑四月甲申封歸命侯晉武紀太康元年二月王濬等破武昌王渾

斬張悌三月壬申濬至石頭皓降乙酉大赦改元四月遣朱震等慰撫五月辛亥封歸命侯丙寅引皓升

殿庚午詔士卒六十歸家庚辰以濬為輔國將軍王濬傳二月庚申克西陵又云壬寅濬入石頭而無月

又上書曰臣十四日至午者十五日至秣陵亦無月又日去二月武昌失守皓左右皆得寶散走三十國

春秋四月甲子王渾斬張悌丙寅殺岑昏與何植書
 庚午送降書壬申濬入石頭甲申封歸命侯五月丁
 亥至洛陽晉春秋略與之同按長曆去年閏七月今
 年二月戊午朔三月戊子朔四月丁巳朔五月丁亥
 朔六月丙辰朔然則三月無戊辰丙寅壬申五月無
 庚午庚辰與吳志晉書不合若依三十國春秋月日
 雖合然二月武昌失守皓左右離散不容四月十六
 日王濬乃至五月一日未能至洛今事之先後
 並依吳志晉書但削去其日之不與曆合者
 遷王濬鎮軍大將軍濬傳云領步兵校尉舊校唯五
 騎步兵長水越騎射聲校尉是為五校並漢官也然
 則步兵之名非自濬始武帝紀是年六月丁丑初置
 翊軍校尉官疑濬所領者翊軍也

是歲凡州十九宋書州郡志云太康元年天下統一統
為之分益為寧分幽為平而為二十矣按杜佑通典
平吳分十九州司充豫冀并青徐荆揚梁雍秦益涼

寧幽平交
 廣今從之

山濤言不宜去武備濤傳云與盧欽論之按

二年十月慕容涉歸寇昌黎帝紀云慕容廆按范序
燕書武宣紀廆泰始五

康四年也此年入寇當是涉歸

十一月陳騫薨帝紀云大司馬按騫以咸寧
三年辭位以高平公還第

三年正月帝問司隸校尉劉毅地理志太康元年省
為司隸校尉帝嘗南郊禮畢問毅而無年月晉春秋

問毅在此月而不言毅官按毅傳六年自司隸遷左
 僕射或者此年尚未改

為司州也今從毅傳

四年慕容刪篡立載紀刪作砥
今從燕書

五年正月巳亥青龍見五行志作癸
卯今從帝紀

罷寧州置南夷校尉地理志太康三年廢寧州置南夷校尉今從華陽國志

六年正月劉毅卒晉春秋在七年十月今從本

七年正月魏舒遜位舒遜位紀傳皆無年月本傳曰以災異遜位帝不聽後因正旦

朝罷還第表送章綬按本傳又曰遜位之際莫有知者若今年正旦日食遜位至他年正旦乃送章綬不
得云人無知者蓋止因今者正旦
朝罷遂以災異遜位不復起耳

資治通鑑考異卷第三

資治通鑑考異卷第四

晉紀中

惠帝元康四年正月安昌公石鑒薨本傳鑒封昌安縣侯今從帝紀

傳咸卒三十國晉春秋元康四年七月傳咸為司隸

外故以本傳為定

五年十月武庫火三十國晉春秋云閏月宋晉五行志云閏月庚寅今從晉書帝紀

八年九月李特入蜀帝紀元康七年關中饑八年雍州有年而華陽國志三十國晉

春秋皆云八年特就穀入蜀今從之

九年正月出成都王穎為平北將軍帝紀云以穎為

從本傳

六月高密王秦薨帝紀云隴西王本傳云秦為尚書今改封高密紀誤

裴頡賈模張華議廢賈后賈后傳曰模與裴頡王衍謀廢之行後悔而止今從

頡傳

八月裴頡劉頌上表疏刑濫志叙頡奏續頡表之下而云侍中太宰汝南王亮按

頡表引元康八年事時亮死已久蓋志誤也

永康元年正月帝紀天文志皆有己卯日食宋志無之按長曆己卯十七日安得日食

皇孫彪卒帝紀彪作霖按彪字道文不當作霖今從傳

八月石崇潘岳歐陽建被收崇傳曰崇建潛知其計陰勸淮南王允齊王問

圖趙王倫若崇果與允同謀允敗崇應惶遽不應被收時方宴於樓上蓋倫秀以舊怨誣殺之耳

以劉頌為光祿大夫三十國春秋云倫黨大怒謀害頌頌懼自殺頌傳云頌為光祿

尋病卒今從傳

十一月耿滕為益州刺史帝紀作耿勝載紀華陽國志作滕今從之

滕欲入州華陽國志曰戰於廣漢宣化亭殺傳詔按州郡俱治成都不容戰於廣漢又趙廞若

已與滕戰不應欲直入州今從載記

趙廞殺趙模陳摠帝紀廞又殺健為太守李密汶山太守霍固按華陽國志健為太守

李苾汶山太守楊邠非密固也載記亦作李苾蓋紀誤

廞自稱益州牧晉春秋云建號太平元年他書無之今不取

永寧元年正月趙王倫即帝位三十國春秋云倫將篡位義陽王威執詔

示嵇紹曰聖上法堯舜之舉卿其然乎紹厲聲曰有死而已終不有二威怒拔劍而出及惠帝遷於金墉

城唯紹固志不從直于金墉絕不通倫時人皆為之懼晉書忠義傳云倫篡紹為侍中惠帝復祚遂居其

職二說不同
今皆不取

趙廡殺李庠及其子姪十餘人載記曰及其子姪宗族三十餘人今從華

陽國志又國志庠死去年冬晉春秋在今年春今從之

三月羅尚使王敦討汶山羌死之帝紀在八月疑是洛陽始知今從華

陽國志

趙王倫使管襲討斬王盛處穆齊王冏傳曰冏潛與盛穆謀起兵誅倫未

發恐事泄乃與襲殺穆送首於倫以安其意今從三十國春秋

四月大戰于澳水趙王倫傳作激水今從帝紀

六月復封宿徒王晏為吳王晏傳自宿徒徙封代王倫誅復本封今從帝紀

齊王冏為大司馬成都王穎為大將軍錄尚書穎傳

穎詔王粹加九錫進位大將軍知都督中外穎拜受號讓殊禮按穎在洛盧志已謂穎曰今當與齊王止輔朝政明已有錄尚書之命但穎不受歸鄴故朝廷使粹追命之耳且穎功大於冏不應獨賞冏而穎未賞也今

從帝紀

路秀帝紀作路季今從齊王冏傳

八月齊王冏殺東萊王蕤帝紀六月庚午蕤與王興謀廢冏事覺得罪甲戌冏

為大司馬按誅與詔已無冏為大司馬則與事覺不應在冏為大司馬前今從三十國春秋在八月

九月東安王繇舉東平王楙鎮下邳帝紀八月楙為平東督徐州九

月繇復爵按楙傳繇為僕射舉楙為平東故移在繇還後

太安元年慕容廆擊素怒延載記作素延下云素延怒率眾圍棘城按燕書

紀傳皆謂之素怒延然則怒是其名也

二年正月李特改元建初帝紀太安元年五月特自號大將軍載記太安元年特稱大將軍號年建初昭帝七年太安元年也祖孝徵脩文殿御覽云太安二年特大赦改年建初元年特見殺三十國晉春秋云太安二年正月特僭位改年今從御覽

等書

蜀郡任叡載記作任明羅尚傳作任銳今從華陽國志

六月李雄殺陳圖華陽國志作陳峕今從載記

七月處士范長生華陽國志作范賢今從載記

涪陵徐輦華陽國志作徐輿今從載記

長沙王又徵李含為河南尹含傳云河間王顯表含為河南尹今從皇甫重

傳

張昌逃于下雋山帝紀八月庚申劉弘及張昌戰于清小斬之昌傳云昌敗竄于下雋

山明年秋擒斬之按弘斬張奕表云張昌姦黨初平昌未梟首故從昌本傳

八月以長沙王又為太尉都督中外諸軍事帝紀太安元年

十二月又誅齊王即以又為太尉都督中外晉春秋二年七月顯穎起兵乃以又為太尉都督以討之按

齊王死後顯穎執朝政又未應都督中外又顯見為太尉又不應更為太尉今從晉春秋

十月戊申戰于建春門陸機傳云戰于鹿苑今從帝紀

孫拯下獄晉春秋作孫承今從晉書三

張方退屯十三里橋河間王顯傳云駃水橋今從帝紀

閏月羅尚留張羅守城載記作羅特今從華陽國志

永興元年正月癸亥東海王越收長沙王又越傳云殿中諸

將及三部司馬疲於戰守密與左衛將軍朱默夜收又別省逼越為主今從又傳

甲子大赦改元帝紀太安二年十二月甲子大赦改元疑是一事

丙寅張方殺又帝紀三十國晉春秋云太安二年十

下謠曰草木萌牙殺長沙又以正月二十五日廢二

十七日死如謠言焉樂廣傳云成都王穎廣之塔也

及與長沙王又難而廣既處朝望羣小讒誘之廣

以憂卒惠帝紀永興元年正月丙午樂廣卒若廣卒

時又未死即又傳正月二十五日廢為是合移在永

興元年正月而晉春秋太安二年八月樂廣自裁按

帝紀今年正月以類為丞相遣兵屯城門代宿衛者

疑此皆又初死時事又今年正月末亦有甲子丙寅

今從

十月劉淵遷都左國城下云離石大饑遷于黎亭則

典離石有南單于左左國城然則

淵雖遷左國猶在離石縣境內也

本作十二月三十國晉春秋

十六國鈔皆在十月今從之

范陽王虓等請降封太弟穎

長安還馥出為平東將軍都督揚州代劉準為

鎮東据此表張方猶存蓋自鄴還洛陽時也

十二月高密王略鎮洛陽惠紀作高密王簡按宗室

都督青州後遷都督荆州未嘗鎮洛陽蓋簡即略也

時雖有朝命而略不至或嘗鎮洛陽而本傳遺脫耳

二年六月拓跋猗奴斬漢將蔡母豚後魏書桓帝紀

淵南走蒲子按晉載記淵無走蒲子事下

云自離石遷黎亭蓋後魏書夸誕妄言耳

八月琅邪王睿請王導為司馬導傳曰元帝鎮下邳

元帝時為平東及徙揚州乃為安東司馬故但云司馬

平字誤為安或後為安東司馬故但云司馬

請導為安東司馬按

元帝時為平東及徙揚州乃為安東司馬故但云司馬

平字誤為安或後為安東司馬故但云司馬

元帝時為平東及徙揚州乃為安東司馬故但云司馬

平字誤為安或後為安東司馬故但云司馬

元帝時為平東及徙揚州乃為安東司馬故但云司馬

平字誤為安或後為安東司馬故但云司馬

元帝時為平東及徙揚州乃為安東司馬故但云司馬

平字誤為安或後為安東司馬故但云司馬

元帝時為平東及徙揚州乃為安東司馬故但云司馬

平字誤為安或後為安東司馬故但云司馬

元帝時為平東及徙揚州乃為安東司馬故但云司馬

平字誤為安或後為安東司馬故但云司馬

元帝時為平東及徙揚州乃為安東司馬故但云司馬

平字誤為安或後為安東司馬故但云司馬

元帝時為平東及徙揚州乃為安東司馬故但云司馬

十月詔劉弘彭城王釋等討劉輿劉喬傳釋作釋帝紀宗室傳皆作釋

蓋喬傳誤帝紀八月車騎大將軍劉弘逐平南將軍彭城王釋于宛弘釋傳及衆書皆無之弘傳但云彭

城前東奔有不享之言按弘晉室純臣劉喬與范陽

鎮宛而弘肯更自逐之乎據此詔今弘釋共討劉輿疑無弘逐釋事帝紀必誤

十一月河間王顥遣呂劬收劉暉暉傳云得突騎八百人

暉按暉匹夫安用五千騎蓋劬時在洛

顥敕使收暉耳說者欲大其事故云爾

十二月王浚以突騎資劉琨琨傳云得突騎八百人

五千濟河攻喬疑八百太少或因下文迎東海王之數致有茲誤今闕疑

劉喬奔平氏帝紀云喬奔南陽按地理志南陽無平

縣或者南陽有東平氏而非縣與

吳王常侍甘卓棄官東歸卓傳云州舉秀才為吳王

亭侯東海王越引為參軍出補離狐令棄官東歸遇

陳敏敏傳云吳王常侍甘卓自洛至按卓為常侍不

應討石冰為離狐令不應自洛至今從敏傳

光熙元年三月李毅女秀守寧州城懷帝紀永嘉元

夷攻陷寧州死者二千餘人李雄載記云南夷李毅

固守不降雄誘建寧夷使討之毅病卒城陷毅壯士

三千餘人送婦女千口於成都王遜傳云李毅卒城

中奉毅女固守經年華陽國志有毅卒年月及女秀守城事

六月復羊后后傳曰張方首至洛陽即日復后位

司空越遣糜晃擊河間王顥牽秀傳云顥密遣使就

糜晃等迎顥今從顥傳

李雄即帝位改元晏平

晉帝紀三十國春秋皆云永興二年六月雄即帝位華

陽國志光熙元年雄即帝位後魏書序紀及李雄傳皆云昭帝十二年雄稱帝即光熙元年也十六國春

秋鈔晏平元年六月雄即帝位十六國春秋目錄雄年號建興二晏平五與華陽國志同今從之諸書雄

改元晏平無大武年號惟晉載記改元大武無晏平

年號按雄國號大成魏書雄傳云雄稱帝號大成改

年晏平故三十國春秋誤云改年大成載記轉寫誤為大武今從諸書去大武之號

以范長生為天地太師華陽國志尊長生日四時八節天地太師今從晉載記

八月以范陽王虓為司空虓傳云為司徒今從帝紀

十二月南陽王模殺河間王顥三十國晉春秋云東海王越殺顥今從顥

懷帝永嘉元年二月陳敏弟處勸敏殺顧榮等敏傳云弟

昶勸殺榮按晉春秋敏臨死謂處曰我負卿時昶已先死今從晉春秋

七月琅邪王睿鎮建業元帝紀曰東海王越之收兵下邳以帝都督揚州越西迎

大駕留帝居守永嘉初用王導計始鎮建業按既都督揚州不當猶鎮下邳又懷帝紀明言七月己未睿

都督揚州鎮建業今從之

九月王導說睿引顧榮賀循導傳曰元帝鎮建康居

從兄敦來朝導謂之曰琅邪王仁德雖厚而名論猶輕兄威風已振宜有以匡濟者會三月上巳帝觀

敦導皆騎從王敦傳東海王越誅繆播後乃以敦為揚州刺史其後徵拜尚書不就周玘傳錢增聞劉聰

逼洛陽不敢進乃謀反時王敦遷尚書與增俱西欲殺敦敦奔告元帝懷帝紀永嘉元年七月琅邪王睿

鎮建業三年三月殺繆播四年二月錢增反是時睿在建業已三年矣安得言月餘又睿名論雖輕安有

為都督數年而士庶莫有至者陳敏得江東猶首用周顧以收人望導為睿佐豈得待數年然後薦之乎

通鑑卷四

然則導傳所云難以盡信
今刪去導語及敦名而已

十一月以王敦為青州刺史晉春秋王衍言於太傅

揚州據吳楚以為形援越從之於是澄敦同發越餞

出為揚州搆死在永嘉三年三月此

十二月王彌劉靈降漢彌傳曰彌逼洛陽敗於七里

十六國春秋靈為王讚所逐彌為苟純所敗乃謀降

漢今年春靈已在淵所五月彌乃如平陽然則二人

先降漢已矣彌傳誤也

以魏興太守王遜為寧州刺史華陽國志以廣漢太

廣漢已為李雄
二年正月丙午朔日食帝紀天文志云丙

子朔誤今從長曆

劉淵遣劉聰等據太行石勒等下趙魏石勒載記曰

攻壺關命勒率所統七千為前鋒都督劉琨遣護軍

黃秀等救壺關勒敗秀於白田殺之遂陷壺關事在

明年今從十六國春秋

二月西平太守曹祛晉春秋作曹祗

治中楊澹晉春秋作張澹

七月劉淵徙蒲子劉琨答太傅府書曰借遣使驛離

蒲子雜虜歸降萬有餘落琨傳亦然按時淵疆琨弱

豈因畏琨而徙都蓋琨為自大之辭史因承以為實

耳
氏會單徵降漢載記作氏會大單于徵按當時戎狄

于衍
字也

十二月成尚書令楊褒卒載記云丞相楊褒今從晉春秋
三年正月宣于脩之言於漢主晉春秋作鮮于脩之今從載記十六國春秋

夏石勒敗黃肅於封田石勒載記肅作秀封作白今從十六國春秋及劉琨集

淮南內史王曠十六國春秋作王廣今從帝紀

龐淳降漢琨傳作襲醇今從帝紀

白部鮮卑劉琨集作百部今從後魏書晉書

劉琨自將擊劉虎帝紀七月劉聰及王彌圍壺關琨使兵救之為聰所敗王曠等及聰

戰又敗龐淳以郡降賊十六國春秋淵五月遣聰攻壺關敗韓述黃肅六月晉遣王曠等來討七月戰於長平晉師敗劉惔以壺關降按劉琨集載六月癸巳琨答太傅府書曰聰彌一上黨龐惔不能禦又日安

居走利韓述授首封田之敗黃肅不還浹辰之間各將珍又日即重遣江陶都尉張倚領上黨太守疾據襄垣續遣鷹揚將軍趙擬梁余都尉李茂與倚所力輕行夜襲賊捐棄輜車宵遁而退追尋討截獲三分之二當聰彌之未走烏丸劉虎構為變逆西招白部遣使致任稱臣於淵殘州困弱內外受敵輒皆聰而討虎自四月八日攻圍然則琨討虎以上事皆在四月以前也蓋晉漢二史皆據奏報事畢而言之今依琨集為定

十二月李臻遣其子成擊王浚燕書王誕傳成作威今從李洪傳

四年七月劉淵卒十六國春秋八月丁丑淵召太宰歡樂等受遺詔已卯卒三未葬按

長曆七月壬戌朔十六日丁丑十八日己卯八月辛卯朔無丁丑己卯及辛未辛未乃九月十一日蓋淵以七月卒九月葬

十六國春秋誤

北海王義載記作父按十六國春秋作父今從之

十月劉琨以地與猗盧懷帝紀永嘉五年十一月猗盧寇太原劉琨徙五縣居之

六年八月辛亥劉琨乞師于猗盧表盧為代公宋書索虜傳在永嘉三年晉春秋在永嘉四年且云猗盧率萬餘家避難自雲中入鴈門後魏序紀在穆帝三年即永嘉四年也琨集永嘉四年六月癸巳上大傳

府賤云盧感封代之恩故知在四年六月之前又琨與丞相賤曰昔車騎感猗盧救州之勲表以代郡封

也為代公見聽時大駕在長安會值戎事道路不通竟未施行盧以封事見託琨實為表上追述車騎前

意即蒙聽許遣兼謁者僕射拜盧賜印及符冊浚以此見責戎狄封華郡誠為失禮然蓋以救弊耳亦猶

浚先以遼西封務勿塵此禮之失浚實啓之浚遂與盧爭代郡舉兵擊盧為所破紛錯之由始結於此鴈

門郡有五縣在陜北盧新并陜官國甚疆盛從琨求陜北地以並遣三萬餘家散在五縣間既非所制又

於琨殘弱之計得相聚集未為失宜即徙陜北五縣著陜南盧因移煩侵逼浚西陜圍塞諸軍營浚不復

見怨危弱而見罪責以此觀之盧非避難而來也

後魏序紀曰劉琨乞師救洛穆帝遣步騎二萬助之東海王越以洛

陽飢荒不許按琨與丞相賤曰琨碩身竭辭北和猗盧遂引大衆躬啓戎行即具白太傅切陳愚見取賊

之計聰宜時討勒不可繼而宰相意異所慮不同更憂苟晞馮嵩之徒而稽二寇之誅遣使節抑挫臣銳

氣臣即解甲遣盧衆歸國若猗盧果遣衆赴洛琨賤安得不言也

十一月加張軌鎮西將軍帝紀云安西拔惠帝永興二年已加軌安西將軍從

本傳

五年正月琅邪王睿使甘卓等攻周馥帝紀戊寅春壽春馥衆潰未知其為命卓之日與攻日潰日故闕之

三月丙子東海王越薨帝紀五年正月帝密詔苟晞討越乙未越遣楊瑁裴盾共

擊晞三月戊午詔下越罪狀告方鎮討之以晞為大將軍丙子越薨晞傳晞移告諸州陳越罪狀帝惡越

將軍丙子越薨晞傳晞移告諸州陳越罪狀帝惡越

將軍丙子越薨晞傳晞移告諸州陳越罪狀帝惡越

將軍丙子越薨晞傳晞移告諸州陳越罪狀帝惡越

將軍丙子越薨晞傳晞移告諸州陳越罪狀帝惡越

將軍丙子越薨晞傳晞移告諸州陳越罪狀帝惡越

專權乃詔晞施徵六州協同大舉晞移諸征鎮帝又
密詔晞討越晞復上表稱李初至奉被手詔卷甲長
驅次子倉垣五年帝復詔晞陳越罪惡詔至之日宣
告天下率齊大舉晞表稱輒遣王讚將兵詣項越使
騎於成臯間獲晞使遂大構嫌隙晉春秋五年正月
上遣李初詔晞討越按越若已得晞使則帝亦不能
自安潘滔何倫等不容晏然在洛且滔等未去則帝
亦不敢明言使晞討越年月事迹既前後參差如此
今竝置於越薨之時庶為不失

四月四十八王皆沒於石勒東海王越傳云三

六月丁未劉聰封帝平阿公帝紀聰以帝為會稽公

阿公晉春秋云平河公河字蓋誤十六國春秋云平

春秋明年二月乃封帝會稽公蓋先封平阿後進會

稽帝紀闕略今從諸書
秦王業南奔密晉書愍帝諱鄴又改建鄴為建康按

又思志孫權改秣陵以為建業取興
建業為名皆不為鄴字今從之

中書令李紱閻鼎傳作李暉

七月王浚立皇太子晉書初無其名劉琨與丞相騰

子不知為誰

九月劉粲殺南陽王模帝紀八月模遇害按劉琨上

世子時鎮隴右故

得無恙今以為據
十月猗盧遣子六脩助劉琨晉春秋作利孫按利孫

六年七月高喬郝聿以晉陽降漢劉琨傳曰屬龐醇

復反琨親出禦之粲乘虛襲取晉陽按琨上太子

日聰以七月十六日復決計送死臣即自東下率中
山常山之卒竝合樂平上黨諸軍未旋之間而晉
陽傾潰十六國春秋亦云琨收兵常山本傳誤也

九月賈疋等奉秦王業為皇太子

懷帝紀云賈疋討劉粲於三輔走之

關中小定奉秦王為太子按賈疋等以永嘉五年攻劉粲於新豐粲敗還平陽奉秦王入雍城六年三月劉曜棄長安走秦王入長安漢兵皆已退矣秦王為太子時劉粲方在晉陽懷紀誤

十月猗盧遣其子六脩及兒子普根等攻晉陽

十六國春秋

秋云遣子曰利孫宥六須載記云宿六須劉琨集云左右賢王又云右賢王撲速根今從後魏書

箕澹十六國春秋後魏書

漢人殺盧志劉聰載記志勸大弟義作亂被誅按志勸成都王穎起義今諫穎攻長沙王義忠義敦篤始終不虧非勸人作亂者也今從盧譙傳

十二月賈疋戰死帝紀曰疋討賊張連遇害疋傳天護攻之疋敗走墜間死今從十六國春秋

國春秋

段疾陸眷石勒載記及後魏書作就陸眷今從王浚傳

末柸後魏書作末波今從王浚傳

王敦屯豫章王澄傳曰時王敦為江州鎮豫章按敦時為揚州刺史都督征討諸軍非為江州也

王機入廣州王澄死周凱敗王敦鎮豫章機入廣州紀傳皆無年月按衛玠傳玠依敦於豫章以永嘉六年卒故附於此

王如降於王敦如降亦無年月明年有如餘黨入漢中故附此

愍帝建興元年四月琅邪王睿用郗鑒為兖州

劉琨集建興二年十一月壬寅朔與丞相賤曰焦求雖出塞鄉有文武膽幹苟晞用為陳留太守獨在河南距當石勒撫綏有方琨以求行頁兖州刺史後聞荀公以李述為兖州以素論門望不可與求同日而論至於膽

有文武膽幹苟晞用為陳留太守獨在河南距當石勒撫綏有方琨以求行頁兖州刺史後聞荀公以李述為兖州以素論門望不可與求同日而論至於膽

幹可以處危權一時之用李述亦不能及求而王玄
年少便欲共討求現以求已與玄構隙便召還而州
界民物甚不安服述二千石及文武大姓連遣信使
求刺史是以遣兄子演代求領兗州事往年春正月
遣詣鄴至是斬王桑走趙固云云今勒據襄國逼近
鄴城故合演轉南演今治在廩丘而李述郗鑒並欲
爭兗州或云為荀公所用或云為明公所用大寇未
殄而自共尋干戈此亦大費也輒敕演謹自守而已
按王桑趙固之敗及石勒攻鄴皆在永嘉六年十一月
又云傳長安消息主上是秦王又建興二年十一月
丙申朔元年十一月壬申朔十二月壬寅朔然則現
發牋之日建興元年十二月壬寅朔也傳寫誤耳

九月荀藩薨於開封帝紀曰薨於榮陽今從藩傳

二年正月陳元達言女寵太盛載記元達等曰臣恐後庭有三后之事按

立三后在明年於時未也

二月劉琨移檄州郡琨集檄首云三月庚午朔五日甲戌按石勒以壬申克幽州蓋

時晉陽尚未知也欲叙琨事畢然後叙勒事故置此

三月壬申石勒至薊三十國春秋先言癸酉勒取幽州後言壬午勒晨至薊按劉琨

表曰勒以三月二日徑掩薊城然則當言壬申是也

五月己丑張軌薨帝紀作壬辰今從前涼錄鈔前涼錄鈔又曰葬建陵蓋張祚借號後

追尊其墓

六月殷凱帥眾向長安晉春秋作段凱今從魏允傳

三年三月漢改元建元十六國春秋建元元年在晉建興二年同編脩劉恕言今

晉州臨汾縣嘉果村有漢太宰劉雄碑云嘉平五年歲在乙亥二月六日立然則改建元在乙亥二月後也

八月杜弢遁走道死弢傳云弢逃遁不知所在晉春秋云城潰弢投水死今從帝紀

以第五猗為安南將軍

周訪傳云征南大將軍今從杜曾傳

四年正月追謚吳王晏曰孝

本傳晏謚敬王今從愍帝紀

漢太宰河間王易

晉春秋易作士通今從載記

七月漢三后之外佩后璽者七人

劉聰載記曰四后之外按時勅上皇

后已死唯三后耳云四誤也

十一月侍中宗敞

帝紀作宋敬今從晉春秋

十二月乙卯朔日食

帝紀天文志皆誤作甲申朔宋志乙卯朔與長曆合今從之

中宗建武元年五月壬午日食

帝紀天文志皆云五月丙子日食按長曆

是月壬午朔無子今以曆為據

十一月己酉朔日食

帝紀天文志皆云十一月丙子日食按長曆十月十二月皆己

卯朔是月己酉朔二十八日丙子晉書元帝紀十一月有甲子丁卯若丙子朔則甲子丁卯乃在十月又

劉琨集是年三月癸未朔八月庚辰朔皆與長曆合今以為據

太興二年蒲洪降趙

三十國晉春秋洪降劉曜在太興元年按元年曜未都長安晉

書洪載記無年但云曜僭號長安洪歸曜故置此年

三年六月閻涉趙仰等殺張寔

晉書寔傳作閻涉趙仰又云寔知其謀收

劉弘殺之據晉春秋作閻涉趙印又弘死在寔被殺後今從之

四年十二月以慕容廆為車騎將軍平州牧

燕書云車騎大

將軍平州刺史按晉書載記先拜平州刺史尋加車騎州牧今從之

永昌元年十月王敦以王諒為交州刺史

諒傳永興三年敦以

諒為交州按永興三年即惠帝光熙元年也諒傳誤

蕭宗大寧元年四月王敦移鎮姑孰屯于湖晉春秋及後魏

書僭晉傳云屯蕪湖晉書明帝紀云敦下屯于湖今從之

六月阮放卒放傳云成帝幼冲庾氏執政放求為交州下乃云逢高寶平梁碩還非成帝時

也放傳誤

二年六月温嶠與右將軍卞敦守石頭敦傳云王敦表為征虜將

軍都督石頭軍事明帝討敦以為鎮南將軍假節今從明帝紀

詔有能殺錢鳳送首封五千戶侯晉春秋此詔在王

云有能斬送敦首封萬戶侯賞布萬匹按此詔云敦以隕斃是稱敦已死也不應復購其首今從敦傳

七月王含等水陸五萬敦傳及晉春秋皆云三萬今從明帝紀

周光斬錢鳳晉春秋云蕪淵弟良斬鳳今從敦傳

三年二月宇文乞得歸遣兄子悉拔雄拒慕容仁書

征虜仁傳作悉拔堆後魏書宇文莫禮傳作乞得龜悉拔堆載記亦作龜燕書武宣紀作乞得歸悉拔雄今從之

四月石瞻攻兗州殺檀斌帝紀作石良今從石勒載記

顯宗咸和三年二月後趙改元太和晉春秋云勒即帝位改元太和

按勒建平元年始即帝位今從勒載記

四月温嶠從弟充晉春秋作從兄今從晉書嶠傳

五年六月趙以翟斌為句町王晉書春秋作翟真按秦亡後慕容垂誅翟

斌斌兄子真北走故知此乃斌也

九月趙王勒即帝位載記云自襄國都臨漳即鄴也按建平二年四月勒如鄴議營

新宮三年勒如鄴臨石虎第勒疾虎詐召石宏還襄國至虎建武元年九月始遷鄴是勒未嘗都鄴也

封彭城王子浚為高密王宗室傳作俊今從帝紀

十月楊謙退保宜都帝紀作陽謙今從李雄載記

七年正月趙主勒大饗羣臣晉春秋云陶侃遣使聘後趙趙王勒饗之按侃

與勒必無通使之理今不取載記云勒因饗高句麗宇文屋孤使今但云饗羣臣

九年十一月石虎稱居攝趙天王三十國晉春秋虎即位改元永熙陳

鴻大統曆云石虎即位改建平五年為延興明年改建武按二十國晉春秋不記弘改元延熙虎之立實

延熙元年也故誤云永熙弘既號延熙虎安肯稱永熙陳鴻云虎改建平五年為延興即是弘踰年不改元也恐二說誤

咸康三年趙庭燎油灌下盤死者二十餘人載記云七人今

晉三十國春秋

七月趙王虎殺太子邃燕書文明紀云咸康四年四月虎至燕城下會鄴使至

太子邃在後恣酒入宮殺害石主大恐狼狽引還又云初帳下吳胃使鄴還說四月浴佛日行像請宮石

太子邃騎出迎像往來馳騁無有儲君體王曰古者觀威儀以定禍福此于虎之副二而輕佻無禮將不

得其死然及石主東歸留邃監國荒敗內亂以致誅戮按十六國晉春秋殺邃皆在咸康三年燕書恐誤今從十六

國晉春秋

六年九月燕王皝襲趙略三萬餘家燕書云略燕范陽二郡男女數

千口而還今從後趙燕載記

八年正月己未朔日食天文志作乙未今從帝紀及長曆

資治通鑑考異卷第四

